

საქართველოს  
საზოგადოებრივი

# საქართველოს საზოგადოებრივი

№ 3



მოსკოლის საზოგადოებრივი — მარტი



1910

## შინაარსი

I—მარიამის ხსოვნას, — ლექსი, დ. თაბაშვილისა . . . . .	3
II—პურის მარცვლის ნაამბობი, — ივ. გამაროყდისა . . . . .	5
III—მთაში, — ლექსი, შემოდგომის სურათება ვაჟა-ფშაველასა, სი, (დასასრულად) . . . . .	14
IV—საბუკარი მკურნალი, — კუმბინისა, (თარგმანი) განდუ- კილისა (დასასრულად). . . . .	19
V—ელიტა და ქურდი, — ეკ. ღონთქიფანიძისა . . . . .	26
VI—ღვით ებრაელთა მეფე და სოლომონ ბრძენი, — ვად- შავერაძისა, თეო განდუკიასა . . . . .	33
VIII—ანასტასია მიხეილის ასული თუმანიშვილი-წერეთ- ლისა, — ა. შაქაბერიძისა . . . . .	38
IX—ფუტკარი და მისი ცხოვრება, — აშ. წუდაძისა . . . . .	42
X—ჰაერის დამორჩილება, — (მ. სომოვით) ახვლედიანისა . . . . .	47
XI—საზღვარ გარედ, — (მოგონებანი და შთაბეჭდილებანი) ანს. ჯორჯაძისა . . . . .	50
VII—ქიცი მოსახმარია, თუ კაცი გონიერია, — (თარგმანი) ს. ორბელიძისა . . . . .	53
XII—ელექტრონის ვიღლა— . . . . .	60
XIII—ა) გამოცანები, — ბ) რებუსი და აღსნა . . . . .	63

# ნაპაღ უღი

საქმავვილო ჟურნალი

წელიწადი მუშავს

მატი, 1910 წ.



152



თბილისი, ელექტრომშენებელი წიგნების გამომცემი კარგელოვა ამხანაგობისა.



# შინაარსი

I—მარიამის ხსოვნას, — ლექსი, დ თომაშვილისა . . . . .	3
II—პურის მარცვლის ნაამბობი, — ივ. გამაროყლისა . . . .	5
III—მთაში, — ლექსი, შემოდგომის სურათები ვაჟა-ფშაველასა, (დასასრული) . . . . .	14
IV—საოცარი მკურნალი, — კუზნინისა, (თარგმანი) კანდე- კილისა (დასასრული) . . . . .	19
V—ელიტა და ქურდი, — ეკ. ლორთქიფანიძისა . . . . .	26
VI—დავით ებრაელთა მეფე და სოლომონ ბრძენი, — გად- მოკეთებული, თეო კანდელაკისა . . . . .	33
VIII—ანასტასია მიხეილის ასული თუმანიშვილი-წერეთ- ლისა, — ა. შიქაბერაძისა . . . . .	38
IX—ფუტკარი და მისი ცხოვრება, — აბ. წულაძისა . . . . .	42
X—ჭაერის დამორჩილება, — (მ. სომოვით) ახვლედიანისა . . .	47
XI—საზღვარ გარედ, — (მოგონებანი და შთაბეჭდილებანი) არჩ. ჯორჯაძისა . . . . .	50
XII—ჭიაც მოსახმარია, თუ კაცი გონიერია, — (თარგმანი) ს. ორბელიძისა . . . . .	53
XII—ელექტრონის ვილა— . . . . .	60
XIII—ა) გამოცანები, — ბ) რებუსი და აღსნა . . . . .	63



## მარიაჰის ხსოვნას



ღედის სწორი, მწრთვანი, მზრდელი,  
ნაამაგარ - ქირნახული  
გაგვიქრა და ცხარე ცრემლით  
მოქვითინებს „ნაკადული“.

მშობლიურის მზრუნველობით  
ჩვენთ ყრმათადმი გამსკვალული,  
მომაველის თაობისა  
უანგარო მოციქული.

ჩვენის აწმყო სწავლა-აღზრდით  
გულ-დამწვარი, დადაგული,  
საწაღმართო დროშით ხელში,  
ღიად ნატვრით გამსკვალული.

დაულაღავ შრომის ოფლით  
სამარის კარს მიწურული,  
ბევრის ფიქრის თან წამლები  
და მით გრძნობა დათუთქული.

თვისას კიდევ ზედ დაურთო  
უდიდესი ერის წყლულს,

129



მყის გაუწყდა ცხოვრების გზა,  
 ნარით, ეკლით მოკირწყლული.

მაგრამ უფრო მწარ გრძნობად ჰფეთქს  
 ქართველ ყრმათა ნორჩი ვული  
 და ცრემლს აფრქვევს აიაზვად  
 მას, ვინც შეჰქვნა „ნაკადული“.

დ თომაშვილი





## პურის მარცვლის ნაამბობი



ითბომ დამარა მთელს ტანში. ერთი შევინძე რი და თვალები გავაჟიკტე. მივიხედ-მოვიხედე: ძმებსა და დებს ვიყავი ჩახუტებული. ერთმანეთს გადაფხედეთ, გაგვეცინა. სად ვიყავით მანამდე ან მე ან ჩემი დები, მე არაფერი არ ვიცი. დედა ჩვენი მალალი იყო, მწვანე.

— დედა, რატომ აქამდინ ვერ გხედავდი ვერც შენ, ვერც ჩემს დებსა და ძმებს? დავეკითხე დედა ჩემს.

— სსუუ! — რხევით მიპასუხა დედა: წყნარად იყავი, თორემ აგერ მწყერი მოგჩერებია; თუ მოგასწრო, გადაგულაპავს.

გადმოვიხედე ძირს და დედა ჩემს ფეხებთან იდგა რაღაც სხვილი და თვალს არ მიშორებდა. მე შემეშინდა, გავინაბე და კიდევ უფრო ჩავეკარი ჩემს დებსა და ძმებს. თვალს



ქართული  
ენების  
აкадеმიის  
სამუშაო  
ბინა

კი იმ საშინელ არსებას არ ეაზორებდი. პატარა ხანს  
რა, შემდეგ რაღაც წამოიჩუქუქუკა, გასრილდა და მიიმალა.

— დედა, დედა! ეს არის მწყერი? დავეკითხე დედას გულის ფანჯალით.

— ეგ არის, შეილო! მაგისი ანა მტერი მე არა მყავს. ბარე ორსა და სამს ჩემისთანა დედას აატირებს ეგ შეჩვენებული.

გავიხედე გარშემო. სულ იმისთანა მწვანე დედები იდგნენ, როგორც ჩემი დედა. აქეთ-იქით ირბოდნენ. უბეში ყველას იმისთანა შვილები უხსდა, როგორც მე და ჩემი და ძმები. მე შევხედე. იმათაც შემომხედეს.

— შენა ხარ? დაუძახე ჯერ ერთს, მერე მეორეს, მესამეს.

— მე ვარ! მე ვარ! მომესმა აქეთ-იქიდან. მე გამეცინა. იმათაც გაიცინეს. ყველამ სიცილი დავიწყეთ.

ავიხედე ზევით. ისეთი სინათლე შეტაკა, რომ თვალები ამიბრქვიალდა.

— დედა, დედა! ეს რა არის? დავეკითხე დედას.

— რა, შეილო?

— აი, აი ეგერ ზევით, ძალიან რომ ანათებს.

— ჰო, ეგ მზე არის, შეილო!

თვალეები რომ გადამეწმინდა, კიდევ შევხედე მზეს. მალე შევეჩვიე და მიამა. ძალიან მათბობდა.

მთელი დღე ნეტარებაში გავატარე და მიმეძინა. თვალი რომ გავახილე, გარშემო ბნელოდა. მზე აღარ ანათებდა კარგად; აღარც მათბობდა. შემცივდა.

— დედა! მზე ჩამქრალა! მივმართე დედას.

— ეგ მზე კი არ არის, მთვარეა. მიპასუხა დედამ.

— მაშ, მზე რაღა იქნა? დავეკითხე დედას გაკვირვებული.

— დასასვენებლად წავიდა და ისევ მოვა. ახლა შენც დაისვენე, — მითხრა დედამ.

როგორ მიმეძინა, არ მახსოვს. ხოლო თვალი რომ გავახილე, ყოველისფერი მზის შუქით იყო გაბრწყინებული. გა-





მეხარდა. სიცილი დავიწყე. გარშემო ყველა იცინოდნენ და მხიარულდნენ.  
რულეზდა.

ასე მიდიოდა დღეები. ბედნიერი ვიყავი. ხანდახან მწყურის ქუჩ-ქუჩი მაშინებდა, მაგრამ ამასაც მალე მივეჩვიე. თუმცა დამცხებოდა ხოლმე, მაგრამ ღამე ვგრილდებოდი. ხანდახან წვიმა მოდიოდა და იმითი ვიგრილდები პირს.

ერთხელ საშინელი სიციხე ვიგრძენი: გვერდები კინალამ დამეხრაკა.

— თქვენ არა გცხელათ? დავეკითხე ჩემს დებსა და ძმებს.

— როგორ არა გცხელა. დავიწვით ეს ეს არას, — მიპასუხეს.

— დედა, გვცხელა! დაუძახეთ დედას.

— შეც ძალიან მცხელა, პირი მიშრება, ფესვებით წყალს ვეძებ მიწაში, მაგრამ ველარსად ვნახე. რალაც ცუდი ამბავია ჩვენს თავს, — გვიპასუხა დედამ.

გადავხედე დედას, ყვითელი ფერი დასდებოდა.

— გვცხელა, გვცხელა, გვცხელა! ისმოდა ჩემს გარშემო კენესა.

გადიოდა დღეები. ჩემი მზიარულება სიმწარეთ შეიკვალა. სიცხისაგან გვერდები დამეხრაკა, გავშრი, გავხმი; ერთი წვეთი წყალი მთელს სიკოცხლეს მერჩინა, მაგრამ არსად იყო.

— დედა, წყალი, წყალი! — წამოვიკნავლე, მაგრამ დედაჩემმა ხმა არ გამცა.

— წყალი, დედა, წყალი! დავიწვი, გავხმი! — შეეჩიოდი დედას, მაგრამ ის ხმას არა მცემდა. გადმოვხედე დედას და რა დავინახე! დედა ჩემი მთლად გამხმარიყო, გაყვითლებულიყო და მომკვდარიყო.

მწარე ფიქრში რომ ვიყავი, მოცივიდნენ კაცები ნამგლებით და დაუწყეს ქრა ყველა დედებს. დედა ჩემიც სხვებთან ერთად მოსჭრეს, სხვებთან ერთად შეჰკონეს, ურემზე დაგვიდეს და წაგვიღეს.



შიშმა მთლად დამავიწყა ყველაფერი. მიგვიტანეს იქვე, იქვე ილაგას და დაგვყარეს. რამდენსამე ხანს ასე ვიყავით. შემდეგ გაგვშალეს მიწაზე, მოიყვანეს ხარები და ცხენები, შეუბეს დიდ ფიცრებში, რომელსაც კვერს ეძახდნენ, დაგვადეს თავზე, დახდნენ ზედ და გააქანეს. საწყალმა დედა ჩემმა სულ ლაწი-ლუწი დაიწყო, მე ტკივილისაგან გული შემიწუხდა და აღარაფერი მახსოვს მეტი. გონს რომ მოვედი, სხვა მარცვლებთან ერთად ტომარაში ვიყავი. ჩემი დები და ძმებიც აქ იყვნენ.

— ხვალ დილით წისქვილში უნდა წახვიდე და კარგად დაფქვა! მომესმა ლაპარაკი.

ჩვენ ყველანი სმენად ვადვიქვცით. ნეტა ახლა რაღას მიპირებენ მეთქი, ვფიქრობდი გულში. მეორე დღეს დაგვადეს ურემზე და ტრიალ-ტრიალით წაგვიღეს სადღაც.

რამდენსამე ხნის შემდეგ მივედით ერთ სახლთან, საიდანაც რაღაც გრილი მოისმოდა. აიღეს ჩვენი ტომარა და სადღაც ჩაგვყარეს. ბევრ შიშს გამოვლილს, იმდენად აღარ შეშინოდა. რაც მომივა, მომივიდეს მეთქი, ვეუბნებოდი ჩემს თავს ილაჯ-გაწყვეტილი. უფრო იმისი გაგება მინდოდა, თუ რას გვიპირებდნენ. თვალს ვადევნებდი ჩემს ამხანაგებს. ისინი ქვევით-ქვევით მიცურავდნენ და ძირს ვარდებოდნენ; ქვევიდან კი კენესა ისმოდა და გრილი. ფიქრმა ისე გამიტაცა, რომ ვერ შევამჩნიე, როგორ ჩამოვცურდი ძირს. რომ ვადმოვიხედე, შემეშინდა: ქვევით რაღაც უხარ-მაზარი, თეთრი და მრგვალი საშინელის სისწრაფით ტრიალებდა, უშველებელი შავი პირი დაეღო და გრილი გაქონდა. შიშმა ამიტანა, წავტორტმანდი, თავი ველარ შევიკავე და შიგ პირში ჩაუვარდი. ერთი საშინლად დაიგრილა, შემდგა ზედ ზურგზე და ისე გამსრისა, რომ მთლად მტვრად მატკია. ჩემს გარშემო ათასობით იყვნენ გასრესილები. ყველა ჩემი ამხანაგები ამას ჩაუცვივდა პირში, ყველა გასრისა და შემდეგ გაჩერდა,

დაწყნარდა. მოგვაგროვეს ერთად. ჩვენმა მომტანმა ხელზე დაგვიყარა და სინჯვა დაგვიწყო.

— კარგი ფქვილი გამოსულა! წარმოსთქვა და ტომარაში გვიკრა თავი.

წაგვიღეს უკან და ისევ სახლში მიგვიტანეს.

— ნუ თუ ჩემი ტანჯვა აღარ დასრულდა? ვეუბნებოდი ჩემს თავს.

ერთ დღეს დაგვყარეს გობზე, მოიტანეს წყალი და დაგვასხეს თავზე. იმისთანა ცხელი იყო, რომ მთელი წარსული წვალემა მთლად დამაფიწყდა. სანამ გონს მოვიდოდი, დაგვიწყეს სრესა, გვსრისეს და გვზილეს ასე რამდენსამე ხანს, შემდეგ დაგვაგუნდავეს, გაგვაპრტყელეს და რაღაცა გახურებულზე დაგვაკრეს. ქვევიდან ცეცხლი გვენთო. მივეკარიტ ყველა ერთმანეთს. დავიწვით, გავსივდით. მოვიდა ბოლოს ვიღაც მადლიანი, ამოგვიღო და სიგრილეში დაგვდო. ცოტა სული მოვითქვი.

— დედა, გშინა! — წარმოსთქვა ბავშვმა, როცა სახლში შემოვიდა.

— გშინა? ეს პური ჩემს სანდროს! წარმოსთქვა დედამ, ავიღო და ბავშვს მიგვცა. სანდრომ წაგვაღო ხელი, გაგვაქანა პირისაკენ და გარედ გამოეარდა. სხვებთან ერთად მოვხვდი პირველად პირში. ჯერ გვღეჭა და შემდეგ გადაგვყლაპა. სულ ცურვით წავედი და კუქში მოვექეცი.

ცოტა იქნება დავისვენო მეუჩი, ვიფიქრე გულში, მაგრამ ვინ მალირსა დასვენება! ჩავედი თუ არა კუქში, ყოველ მხრიდან მტავე წვენიმა იწყო ევანა, კუქი ნახევრად გაივსო თითქმის ამ წვენით და სხვებთან ერთად შიგ ვიწყე ცურვა, მაგრამ ვაი იმ ცურვას, ამეწვა გვერდები, გამიჯდა მთელ ტანში კუქის წვენი, გამბერა, გამასივა და მალე მთლად გავითქვიფე, წყალივით გავხდი. ერთი შეინძრა კუქი, მომაწვა ყოველ მხრიდან და ვიწრო პირიდან ქვევით გამაგლო, წელეში.



აქ უარესი დღე დამადგა. გამოვშორდი თუ იმისთანა მწარე წყალში მოვექეცი, რომ მთლად მომშხამა.

წელეებში გარს შემომეხვივნენ ბუსუსები, დამიწყეს წოვა; მთლად შემისვეს, შემიწოვეს. აქედან გადავედი წვრილ მილში და გაუდექი ნელ-ნელა გზას. სად მივდიოდი, მეც არ ვიცი. წვრილის მილით უფრო მსხვილში გადავედი და წარმოიდგინეთ ჩემი გაკვირვება! რამდენიმე ჩემი და, ძმა და ნაცნობები შემხედნენ!

რასაკვირველია, ძალიან გაგვეხარდა, გადავეხვიეთ ერთმანეთს და გავსწიეთ სულ ცურვით. იმ მილში, რომელშიაც ჩვენ მივცურავდით, სულ თეთრი წყალი იყო.

უცებ გადავცვივდით რალაც ღრმასა და სქელში, სულ წითლად შევიღებეთ და საშინელის სისწრაფით, სულ ტრიალ-ტრიალით გავსწიეთ შორს, შორს. ცოტა რომ გამოვერკვიე, დავინახე, რომ მსხვილ მილში წითელი წყალი მიცურავდა და თან მიეკონდი. როგორც შემდეგ გავიგე, მე თურმე სისხლს შავერიე და სისხლის მილით მივედი დვიძლში, აქედან გულში ჩავედი და გულიდან კი—ტვინში.

როგორ გავიგე მე ყოველივე ეს?

აი როგორ.

საშინელის სისწრაფით მივცურავდი წითელ წყალში. მილი თანდათან წვრილდებოდა და ბოლოს ისე გაწვრილდა, რომ მილში ძლივს მივცურავდი. ბოლოს მილი სრულებით გაჰქრა და გარეშემო რალაც რგვალი და წოწლოკინები შემომესივნენ; ერთმა შამამხვია გარეშემო ფეხები და გადაამყლაპა. მე გონება დავკარგე და, როცა თვალები გავახილე, წარმოიდგინეთ ჩემი გაკვირვება! ის კი აღარ ვიყავი, რაც ვიყავი—მეც რგვალ და წოწლოკინა არსებათ გადაექცეულყავი. ვინც მე გადაამყლაპა, ის გვერდით მიდგა და სწორედ იმისთანა ვიყავი!

— ვინა, ხარ შენ? დავეკითხე.

— მე ვარ ტვინის უჯრედი,—მიპასუხა.



— მე რაღა ვარ? დავეკითხე ისევე.

— შენც ახლა ტვინის უჯრედი ხარ, მიპასუხა.

— რა ნაირად მოხდა ეს, როცა მე პურის მარცვლი ვიყავი, შემდეგ ფქვილად მაქციეს, პურად გამოამაცხეს და სანდრომ შემქამა? დავეკითხე გაკვირვებული.

— მე გადავყლაპე, გადაგაქციე ჩემისთანა უჯრედად და ჩემს გვერდით დაგაყენე, — მიპასუხა. — ახლა შენც ასე უნდა მოიქცე. აი აგერ რომ მოსცურავს, ის შენ უნდა გადაყლაპო, ამას კი მე გადავყლაპავ.

ჯერ არ გაეთაყვებინა ლაპარაკი, რომ რაღაცა შიგ ფეხებში გამებლანდა. გადავყლაპე. მთელმა ჩემმა შიგნეულობამ საშინელის სისწრაფით დაიწყო ტრიალი. გავხურდი, აეტოკდი. რა მოხდა ჩემს ტანში, მე თვითონაც არ ვიცი. გვერდი გამომებერა, გამოიწია და იქიდან ჩემისთანა უჯრედი გამოხტა: მე რომ გადავყლაპე, ისიც უჯრედად გადიქა ჩემს ტანში!

ამ გვარად, მე ერთ დროს ყანაში ვცხოვრობდი, პურის მარცვლი ვიყავი. ახლა მე სანდროს ტვინში ვიმყოფები, ტვინის უჯრედად გადაქცეული.

რას ვაკეთებ?

სანდრო ახლა სასწავლებელშია და მე რიცხვებს ვიხსოვებ. ერთი, ორი, სამი, ოთხი, ხუთი, ექვსი, შვიდი... მე ახლა უკვე ოცამდინ ვიცი. ჩემს გვერდით რომ უფროსი უჯრედია, მე რომ გადამყლაპა, ის სწორედ სარკვა: ხან ხე გამოჩნდება შიგ, ხან ჩიტო, ხან ბავშვი, ხან ყანა, ხან პური. დავეკითხე და ამიხსნა. თვალები მე მიგზავნიან სხვადასხვა სახეს და სურათს, რომ დავიხსოვო. ჩემს გვერდით რომ პატარა უჯრედია, მე რომ გადავყლაპე, ის დიდ ხანს იყო ჩუმად; ახლა კი სულ ამას იძახის: ან, ბან, გან, დონ, ენ ვინ. თურმე ანბანსა სწავლობს!

ახლა არ იკითხავთ ამ უჯრედის თავგადასავალს?! ყველაფერი გამოვკითხე.

სულ პირველად ის ბალახად ამოსულა მინდორში. სულა ძროხა და შეუქამია საწყალი. ბევრი უმოგზაურია ჯერ ძროხის კუქში შემდეგ ნაწილეებში, შემდეგ ძროხის სისხლში, საიდანაც ღვიძლში გადასულა; აქედან გულში, გულიდან ძროხის ძუძუებში და აქ კი რძეთ გადაქცეულა.

ძროხა სანდროს დედისა ყოფილა. დედას გამოუწვევლია და სანდროსთვის მიუცია. სანდროს დაულეგია და ამ გვარად რძეთ გადაქცეული მინდორის ბალახი სანდროს კუქში მოექცა. აქედან კი ისე იმოგზაურა, როგორც მე. ბოლოს ჩემთან მოხვდა და მე ის ტკინის ნაწილად, ტკინის უჯრედად გადადგა. ორივე ძალიან კმაყოფილი ვართ. მე რომ პურის მარცვლად დაერჩენილიყავი ყანაში, სულ იმის შიშში უნდა ვყოფილიყავი, მწყერმა არ გადამელაპოს მეთქი. ახლა კი მოსვენებული ვარ და რიცხვებსა ვსწავლობ.

ახლა კიდევ რა გავიგე! ჩემი ერთი ძმა სანდროს კუქში უჯრედად გადაქცეულა და მეავე წვენს ამზადებს, მეორე ღვიძლში გადაქცეულა უჯრედად და მწარე წვენს ამზადებს. ერთი და ლლიაში გადაქცეულა კიდევ უჯრედად და სულ ოფლს ამზადებს, მეტს არაფერს. სხვებს რა დაემართათ, არაფერი არ ვიცი. ჩემი ნაცნობები და ამხანაგებიც, ვინც ჩემთან ერთად სანდროს კუქში ჩამოვიდა, ბევრ სხვადასხვა უჯრედებად გადაიქცნენ, ზოგი კანად, ზოგი ძვლად, ზოგი ხორცად, ზოგი გულშია, ზოგი — ღვიძლში, ზოგი — წელში, ზოგი ტკინში, — სხვები კი ისე დაიკარგნენ, რომ მათი არა ვიცი რა, თუმცა ჩემთან ერთად ჩამოვიდნენ აქ.

საკვირველია სწორედ: ყველა, ვინც აქ მოდის, ზოგი სანდროს სხვადასხვა ნაწილებად იქცევა, სხვები კი სრულეებით იკარგებიან, რომ იმათ ასავალ დასავალს ვერ ვიგებთ.

ჩემს მოშორებით ერთი მსხვილი უჯრედია. ერთხელ იმას დავეკითხე, რადგანაც ის ყველაფერს ჰხედავს და აი რა მი-  
თხრა:

— ვინც აქ მოდის, არავინ არ იკარგება და არა ჰქვარება.  
შენ რომ გგონია, უგზო-უკვლოდ დაიკარგნენო, კი არ დაკარ-  
გულან, სითბოდ გადიქცნენ და ჩვენ დავეტრიალებენ გარშე-  
მო. ისინი რომ არა, ჩვენ გავეცივდებით და დავიხოცებით.

— მერე შენ სითბოს ჰხედავ? დავეკითხე შე.

— მე ყველაფერსა ვხედავ, — მიპასუხა.

ივ. გომართელი





## მთაში

ზამოღობის სურათები

(დასასრული)

V

ელერებს ჩონჯურს მოხუცი,  
დაძმლერს ძველებურს ჰანგებსა...  
მაშ, რით გავერთოთ, რა უყოთ,  
ამოდენს სთვლისა ლამესა?!

ვისა ჰშურს მდიდართ სიმდიდრე,  
რა უთხრა იმათ ბანკებსა?!...

ფშაურად როგორ ცეკვავენ,  
უნდა უცქიროთ ბაღლებსა!  
სიტყვულე არაფერს უშლისთ,  
ცხოვლად ახელენ თვალებსა;  
მოაგონებენ მოხუცთა  
აჩაღგაზლობის წამებსა.

კერაზე ცეცხლი გიზგიზებს,



შეშა უწყევია ქალისა:  
 ზოგი ვირებით ნაზიდი,  
 ზოგიც ნატვირთი ქალისა.  
 კირიმე იმის ტერციალის,  
 კირიმე იმის ალისა!...  
 ხანდახან საზანდრებიცა  
 გვესტუმრებიან სტვირითა.  
 რაქვეელი ვინმე მხარ-ბრტყელი  
 მოპარსულისა პირითა,  
 ქებას შეგვასხამს ყველასა  
 ლულუნით, ენა-ტკბილითა.  
 ბეჩაფს კაცს ატარიელებს  
 და, პირის მბანელს კირითა,  
 დიაცსა, ადარეჯანებს  
 თავის ქამანჩა-სტვირითა.  
 საცინელი გვაქვს,—ვიცინით,  
 სატირელზედა ვსტირითა.  
 როცა ყრილობა გვეწადიან,  
 მალაღის ხმითა ვყვირითა;  
 ვეძახით ერთი-მეორეს  
 სოფლის თავს,—სოფლის ძირითა.  
 თუ აგვიტირდა ბაღლები,  
 ვათირებთ პანტის ჩირითა.

## VI

საფქვევიც შემოგველია,  
 მრავალი საქმე გვიხდება,  
 ვერცა ვკალოობთ დროზედა,  
 ამას მთის კაცი მიჰხედება:  
 გვიან გადავჩრით სამკალსა,  
 ზედაც დაგვიდგა ავდარი;  
 მთას შემოდგომით თან ახლავს,  
 როგორც ბოქაულს ჩაფარი.

რაც საფქვაფი გვაქვს, ვერა ვფქვაფთ —  
 ეს წისქვილები ბრალია.  
 აღარვინ ჰმართავს, ამ დროსა  
 იმათთვის ვისა სცალია?  
 მაინც მირბიან წისქვილში  
 ბებერი, პატარძალია;  
 მირბიან გაფაციცებით,  
 თან მიაქვთ დასაფქვაფია.  
 იქ ცილაობაც მოხდება,  
 საქმე მოხდება ავია.  
 ლანძღვას მოჰყვება კრივიცა  
 და გაიშლება მკლავია.  
 თუ სარეკელა რაკუნობს,  
 ნაქლიკაში დის ხვავია,  
 ჩიტოც<sup>1)</sup> არ დაუვარდება  
 მთქმელი და მოკრივალა.  
 ერთური,<sup>2)</sup> დუთა<sup>3)</sup> მხარს უკერს —  
 დედამთილი და რძალია.  
 ვინა კითხულობს, თუ სადმე  
 რჯული და სამართალია:  
 პატრონსაც არ აპატრონებს  
 წისქვილზე იმათ ძალია;  
 სამივე გათქმული არი,  
 ფიცხელი მეომარია...  
 ჩიტო თოფითა — ბერდანკა  
 სსროლად ფრად მალია;  
 ერთური დუთასთან ერთად  
 ამოდებული ხმალია.  
 თუ ვინმე გაიმართოვს,

1) დედაკაცის სახელია.

2) დედაკაცის სახელია.

3) დედაკაცის სახელია.

ვაი იმისი ბრალთა!  
 დაიფქვის იმით საფქვავი,  
 საჯერო გინდა ხალია<sup>4</sup>).  
 ვინ ეტყვის უარს, ან თავი  
 ვისა აქვს მოსაკლავია?!

## VI

რა წამსაც ავდარს დაიწყებს,  
 მთებს შეეცქერივართ ქალითა.  
 რამდენად ჩამოიწია  
 თოვლმა, მას ვზომავთ თვალითა.  
 გვიახლოვდება ზამთარი, —  
 ვინ გააბრუნებს ძალითა?  
 მოიპარება ნელ-ნელა  
 ტვირთ-მძიმე სურდო-მკვალთა.  
 თეთრს კბილს გვიჩვენებს, გვიცინის  
 გული სავსე აქვს შხამითა.  
 მტერსა ჰგავ ფლიდსა, ცბიერსა  
 დაგმეგობრდება ფერობით.  
 როცა ჩაგიგდებს ხელშია,  
 სულს ამოგხუთავს მტერობით.

## VII

მონადირეებს როდი სწყინთ,  
 გაჰხარებიანთ კიდეცა;  
 გამართეს ჯაზეირები,  
 მხარზედაც გადიკიდესა.  
 ნადირის კვალი ცხადად სჩანს,  
 რაც თოვლზე გაივლიდესა:  
 დათვისა, შელისა, ირმისა, —  
 მელა თავგებსა სთხრიდესა;  
 ციყვები მიჰქსელ-მოჰქსელენ  
 კვერნისა დანაბიჯებსა.

<sup>4</sup>) ქუმელი.



ჯიხვები არას დარდობენ,  
 ჯაქვი სცვათ იმათ ციხესა.  
 იქ მისვლა არ შიძლება—  
 გაგებული აქვთ ბიჭებსა.  
 ტყეში დასდევენ ნადირსა,  
 მოვლიან კილით-კიდესა.  
 ჰა, ჰხედავთ ქირსვლაც დაიწყო,  
 თითქო ფქვილს ვინმე სკრიდესა!  
 მანანასავით თავს დაგვდის,  
 აშლის დერეფნის ფიცრებსა..  
 ეგ არი დადგა ზამთარი,  
 დადგა უმსგავსი ეამია,  
 შეშა უმატეთ კერასა,  
 რაც გაქვს, დაჯე და ჭამია!..  
 არაფერი გაქვს?.. ითმინე!  
 დღეც საწყლისათვის ღამეა.  
 ზაფხულიც ზამთრობს იმისთვის,  
 ზამთარი შხამზე შხამია.  
 ინატრე, რაც შეგიძლიან,  
 ქვეყნად რაც კარგი რამეა—  
 ზამთარი გაძლევესთ ნებასა—  
 საკმაო დრო და ხანია!

ვაჟა-ფშაველა





## საოცარი მკურნალი

კუპრინისა

(უძვენი ვეის გრ. მაღალიაშვილს)  
(დახასრული)

გამოვიდა თუ არა ქუჩაში, უაზროდ გასწია წინ. არაფრის იმედი აღარა ჰქონდა. უკვე კარგა ხანია, რაც გამოიარა სიღარიბის ის მწვავე დრო, როცა ოცნებობ ქუჩაში იპოვო ფულით სავსე ქისა ან ვინმე შორეულ და უცნობ ბიძისაგან მოულოდნელად მიიღო სამკვიდრო. ახლა თავაშვებულმა სურვილმა შეიპყრო გაქცეულიყო სადმე, გაქცეულიყო ისე შორს, რომ აღარ ენახა დამშეულ ოჯახის მღუმარე სასოწარკვეთილება. მო-

წყალება ეთხოვა? დღეს ეს საშუალება უკვე ორჯერა სცადა. მაგრამ პირველად ვიღაც ვაჟბატონმა, რომელიც ენოტის ქუჩაში იყო კახვეული, დარიგება წაუკითხა, — უნდა მუშაობდე და არა მათხოვრობდეო; მეორეჯერ კი პოლიციაში გასტუმრების დაპირდნენ.

თავისდა შეუმჩნეველად გაჩნდა მერცალოვი შუაგულ ქალაქში, დაბურულ საზოგადო ბაღის ზღუდესთან. რადგან სულ



აღმართში მოუხდა სიარული, ახლა ძალზე უცემდა დაღლილობაც იგრძნო. უნებურად შეუხვია ბალის კარებში, გაიარა თოვლით დაფარული ცაცხვების გრძელი ხეივანი და ბალის ერთ დაბალ სკამზე დაეშო.

აქ რაღაც სიმშვიდე და მყუდროება სუფევდა. თეთრ სანოსელში გამოხვეული, დიდებულად ამართული ხეები უძრავად სთვლემდნენ. ხან და ხან კენწეროდან მოსხლტებოდა ერთი ბლუჯა თოვლი და მოისმოდა, როგორ სრიალ-სრიალით ეცემოდა ერთის ტოტიდან მეორეზე. ბაღში გამეფებულმა ამ აღუშფოთველმა სიწყნარემა და მყუდროებამ უცებ მერცალოვის დატანჯულ სულში გააღვიძა ასეთივე სიმშვიდე-სიწყნარის დაუშრეტელი წყურვილი.

„აი, უნდა დაწვე და დაიძინო! — ფიქრობდა საცოდავი, — და დაივიწყო კოლი, მშიერი შვილები, ავადმყოფი მაშუტკა!“ მერცალოვმა ჩაიყო ხელი თილეტის ქვეშ და გასინჯა საკმაოდ სხვილი თოკი, რომელიც ქამრის მაგიერობას უწევდა. თავის მოკვლის აზრი სრულიად ცხადად გამოისახა მის გონებაში. მაგრამ ამ აზრმა სრულებითაც არ შეჭარა. ერთის წუთითაც არ შემკრთალა „გამოუცნობელის“ წყვდიადის წინაშე.

— „ნელ-ნელა დალუპვას მირჩევნია ისევ მოკლე გზა ავირჩიო.“ ის იყო კიდევ უნდა ამდგარიყო ზეზე, რათა სისრულეში მოეყვანა თავისი საშინელი განზრახვა, რომ ხეივნის ბოლოდან მის ყურამდე მიაღწია ფეხის ხმამ, რაიცა მკაფიოდ გაისმა გაყინულ ჰაერში. მერცალოვმა გაბრაზებით გაიხედა იმ მხარეს. ხეივანში ვიღაც მოდიოდა. ჯერ მოსჩანდა მხოლოდ მოკიდებულ სიგარის ცეცხლი, რომელიც ხან გამოანათებდა და ხან ჩაქრებოდა. შემდეგ მერცალოვმა ცოტ-ცოტად გააჩნია პატარა ტანის მოხუცი კაცი, რომელსაც თბილი ქუდი ეხურა, ბეწვიანი პალტო ეცვა და მაღალ ყელიანი კალოშები ჰქონდა. როცა დაუპირდაპირდა სკამს, უც-



ნობმა უცხად გადმოუხვია მერცალოვის მხარეს, ხელში წაივლო ქუდზე და იკითხა:

— ნებას მომცემთ, აქ ჩამოვჯდე?

მერცალოვმა უცნობს განზრახ ზურგი შეაქცია მოუ-  
რიდებლად და სკამის ბოლოსაკენ გაიწია. ხუთის წუთის გან-  
მავლობაში ორივენი სდუმდნენ. უცნობი სიგარას ეწეოდა  
და თან (მერცალოვი ამასა ჰგრძნობდა) ცალი თვალით თა-  
ვის მეზობელს ათვალიერებდა.

— მეტად საუცხოვო ღამეა, — უცებ დაილაპარაკა უც-  
ნობმა. — ჰყინავს... მყუდროებაა. რა მშვენიერებაა რუსული  
ზამთარი!

ეს ხმა იყო რბილი, მოაღერსე, მოხუცისა. მერცალოვი  
სდუმდა, პირს არ იბრუნებდა.

— მე კი, აი, ჩემს ნაცნობ პატარეებს საჩუქრები უყი-  
დე, — განაგრძობდა უცნობი (ხელში რაძდენივე შეეკრა გქირა)  
და გზად მიმავალს გულმა აღარ გამიძლო, შემოუხვიე, რომ  
ბაღზე გამომეელო. ოჰ, მეტად კარგია აქა.

მერცალოვი საზოგადოდ მორიდებული და მორცხვი კა-  
ცი იყო, მაგრამ უცნობის უკანასკნელ სიტყვებზე უცხად  
საშინელმა სიბრაზემ შეიპყრო. მერცალოვი სასტიკის მოძრა-  
ობით მოტრიალდა მოხუცის მხარეს და სულ-შეგუბებულმა  
ხელების უაზრო ქნევით დაიყვირა:

— საჩუქრები, საჩუქრები! ნაცნობ პატარეებს საჩუქ-  
რები! მე კი... ჩემს ბავშვებს, მოწყალეო ხელმწიფევე, ამ  
წუთას შინ შიმშილისაგან სული სძვრებათ... საჩუქრები! ჩემ  
კოლს კი ძუძუ გაუშრა და ქორფა ბავშვი მთელი დღეა უქ-  
მელია... საჩუქრები!..

მერცალოვს ეგონა, ამ უთავბოლო, გაბოროტებულ ყვი-  
რილზე მოხუცი ადგება და წავიო, მაგრამ შესცდა. მოხუც-  
მა მიუახლოვა თავისი კვიანი, დაფიქრებული სახე ქალარა  
ბაკებით, და მეგობრულად, მაგრამ მტკიცე კილოთი უთხრა:



— მოითმინეთ.. ნუ ჰღელავთ' მიაშბეთ ყველაფერს და ლაგებით და, რაც შეიძლება, მოკლედ. იქნებ ერთად მოვიფიქროთ რაღე თქვენთვის...

უცნობის არა ჩვეულებრივ გამოხედვაში იმდენი სიწყნარე და ნდობის აღმძვრელი რამ იფარებოდა, რომ მერცალოვმა მაშინვე დაუფარავად, მაგრამ საშინელის მღელვარებითა და აჩქარებით უამბო თავისი გაკირვება. უამბო თავისი ავადმყოფობა, ადგილის დაკარგვა, ბავშვის სიკვდილი, ყველა თავისი უბედურება, რაც კი დღევანდლამდე შეემთხვა. უცნობი უსმენდა, ერთი სიტყვითაც არ აწყვეტინებდა, მხოლოდ უფრო გამომცდელის თვალით აშტერდებოდა თვალეშში, თათქოს უნდა ძირამდე ჩასწვდეს მის გატანჯულ და აღშფოთებულ სულის სიღრმესაო. უცებ ჰაბუკუჩურის სიმარდით წამოდგა და მერცალოვს ხელი სტაცა ხელში. მერცალოვიც გონება დაუტანებლივ წამოდგა.

— წავიდეთ!—სტქვა უცნობმა და თან ხელით ეწეოდა მერცალოვს.—წავიდეთ ჩქარა. თქვენი ბედი, რომ მკურნალს შეხვდით. მე, რასაკვირველია, არაფრის თავდებობა არ შემიძლიან, მაგრამ... წავიდეთ!

ათის წუთის შემდეგ მერცალოვი და მკურნალი უკვე ჩადიოდნენ სარდაფში. ელიზავეტა ივანოვნა ლოგინში იწვა, ავადმყოფ გოგონას გვერდით. სახე ჭუჭყიან, გაქონილ ბალიშში ჰქონდა წაყოფილი. პატარა ბიჭები იმავე ადგილას ისხდნენ და ბორშისა ჰხვრეპავდნენ. შეშინებულნი მამის დიდის ხნის მოუსვლელობითა და დედის უძრავად წოლითა, ისინი ტიროდნენ, ცრემლებს სახეზე ითხუპნიდნენ ჭუჭყიანის ხელებით და თანაც უზვად აფრქვევდნენ გამჟვარტლულ ქვებში. ოთახში შემოსვლისას მკურნალმა გაიხადა პალტო და ძველის მოდის, საკმაოდ ნახმარ სერთუკით—მიუახლოვდა ელიზავეტა ივანოვნას. დედაკაცმა მკურნალის მიახლოვებაზე თავიც არ აიღო მაღლა.



— კარგია, კმარა, კმარა. შეილო, — დაილაპარაკა ნალმა და თან ქალს ილერსიანად შეახო ხელი. ადექით, მაჩვენეთ თქვენი ავადმოფი.

და, როგორც ამ რამდენისამე წუთის წინად ბაღში, „რალიც“ ილერსიანმა და გულს ჩამწვდენმა, რაიცა მის ხმაში ისმოდა, დაიმორჩილა მერცალოვი, ისე ახლა აიძულა ელიზავეტა ივანოვნა იმ წუთშივე ამდგარიყო ლოგინიდან და სიტყვის შეუბრუნებლად აესრულებინა ყოველივე, რასაც მკურნალი ეუბნებოდა. ორის წუთის შემდეგ გრიშა უკვე ფეხს ახურებდა იმ შეშით, რომელიც საოცარმა მკურნალმა მეზობლისგან მოატანინა, ვალოდია გამაღებული უბერავდა სამოვარს. ელიზავეტა ივანოვნა კომპრესს უკეთებდა მაშუტკას... ცოტა ხნის შემდეგ მერცალოვიც მოვიდა. ექიმისაგან მიცემულ სამის მანეთით ამასობაში უკვე იყიდა ჩაი, შაქარი, ბულკები და მახლობელ ტრაქტორშიაც ცხელი საკმელი იშოვნა. მკურნალი იჯდა სტოლთან და რაღაცას სწერდა ქალაქის ნაქერზე, რომელიც თავის უბის წიგნაკიდან ამოკვლიჯა. გაათავა წერა და ბოლოშიაც, სახელის და გვარის მოწერის ნაცვლად, რაღაც თავისებური რკალი მოუსვა, დაწერილს ჩაის ლაშბაქი დაადო და ზეზე წამომდგარმა სთქვა:

— აი, ამ ქალაქს მიუტანთ აფთიაქში... ორ საათში ერთხელ აძლიეთ თითო ჩაის კოვზი. ეს პატარას ნახველის ამოღებას შეაძლებინებს... კომპრესის კეთებაც განაგრძეთ... გარდა ამისა, თქვენი გოგონა თუხდაც უკეთ გახდეს, ხვალ მაინც მოიწვიეთ მკურნალი აფრასიმოვი. მკოდნე მკურნალია და კარგი კაციც არის. წინდაწინ შევატყობინებ ყველაფერს. ეხლა კი მშვიდობით, ბატონებო! ღმერთმა ინებოს, რომ მომავალი ახალი წელიწადი ძველზე უფრო ღმობიერად მოგეპყრათ და — რაც უფრო კიდევ უპირველესია — არასოდეს არ დაეცეთ სულთ.

მერცალოვი და ელიზავეტა ივანოვნა ჯერ კიდევ ვერ გამორკვეულიყვნენ გაოცებისაგან, რომ მკურნალმა ხელი



ჩამოართვა, გავლით ლოყაზე ხელი მოუცაყუნა ბუღალა და  
 ბულ ვალოდიას, შემდეგ მარდად ჩაპყო ფეხები მაღალ კა-  
 ლოშებში და პალტო ჩაიცვა. მერცალოვი მხოლოდ მაშინ  
 მოვიდა გონს, როცა ექიმი უკვე ტალანში იყო გასული,  
 და უკან დაედევნა მკურნალს. რადგან სიბნელეში არაფერი  
 არა სჩანდა, მერცალოვმა აღაღბედზე დაიყვირა:

— მკურნალო, მკურნალო! მოიცადეთ!.. მკურნალო,  
 მითხარით თქვენი სახელი, რომ ჩემმა ბავშვებმა მაინც ილო-  
 ცონ თქვენთვის! და ჰაერში აფათურებდა ხელებს, რომ და-  
 ექირა უხილაფი მკურნალი. მაგრამ ამ დროს ტალანის მეო-  
 რე ბოლოში მოისმა მოხუცის წყნარი ხმა:

— ეჰ, აბა, ეგ რა საჭიროა.. დაბრუნდით მალე სახლში.  
 როცა დაბრუნდა სახლში, მერცალოვს აქ დიდი სიამოვნება  
 ელოდა: ჩაის ლამბაქ ქვეშ „საოცარ მკურნალს“ რე-  
 ცეპტთან ერთად რამდენიმე მსხვილი ქალაქის ფული და-  
 ედო...

იმავე საღამოს გაიგო მერცალოვმა თავის მოულოდნელ  
 კეთილის მყოფელის გვარიც. წამლის შუშაზე მიბმულ აფ-  
 თიაქის ქალაქდზედ გარკვეულის ხელით ეწერა: „პროფესორ  
 პირაგოვის რეცეპტი.“

ეს ამბავი გამიგონია—და არა ერთხელ—თვითონ გრი-  
 გოლ ემელიანოვიჩ მერცალოვისაგან—იმ პატარა გრიშასა-  
 გან, რომელიც აქ მოთხრობილ შობის წინა ღამეს ცრემ-  
 ლებს აფრქვევდა ტყუილ ბორშიან გამურულ ქვაბში. ახლა  
 გრიგოლს საკმაოდ დიდი და პასუხ-საგები ადგილი უქი-  
 რავს ერთ ერთს ბანკში და ცნობილია, როგორც მიტად პა-  
 ტიოსანი და გულშემატკივარი ღარიბთა და უქონელთა. და  
 ყოველთვის, როცა კი ათავეებს ხოლმე თავის მოთხრობას,  
 გრიგოლი ცრემლებს ძლივს-ღა იმაგრებს და ათრთოლებუ-  
 ლის ხმით დასძენს ხოლმე:

— იმ დღიდან თითქოს მფარველი ანგელოზი მოველინა  
 ჩვენს ოჯახს. ყველაფერი შეიცვალა. იანვრის დამდეგს მა-


მამ ადგილი იშოვა, დედა ფეხზედ ადგა, მე და ჩემ ძმას შორის გვიხერხეს გიმნაზიაში სახელმწიფო ხარჯზე მიბარება. ერთის სიტყვით, სასწაული მოახდინა ამ წმინდანმა ადამიანმა. ჩვენ კი მას შემდეგ მხოლოდ ერთხელ-ღა ვნახეთ ჩვენი „საოცარი მკურნალი,“ — ეს იყო მაშინ, როცა იმის უსულო გვამს მოასვენებდნენ მის საკუთარ მამულში—ვიშნიაში. და მაშინაც ის არ გვინახავს, რადგანაც ის დიადი, მძლავრი და წმინდა, რაც სცოცხლობდა და ეღვარებდა „საოცარ მკურნალის“ არსებაში სიცოცხლის დროს, — ის გაჰქრა სამარადისოდ.

განდევილი





## ელიტა და ქურდი



ნდა მოგახსენოთ, რომ უცნაური ბავშვი იყო ელიტა — ძალიან განსხვავებული, სრულებით არა ჰგავდა სხვა ბავშვებს. იყო სუსტი, უღონო, არ უყვარდა სირბილი, თამაშობა; იქნება იმიტომაც რომ არა ჰყავდა არც დები, არც ძმები და არც ტოლ-ამხანაგები, ხნიერ ქალს ჰგავდა; დეიდები ხუმრობით ბებრუცუნას ეძახდნენ.

ელიტას ძალიან უყვარდა წიგნები; ჯერ კიდევ სულ პაწაწკინა იყო, როცა ისწავლა კითხვა. სწორედ დაუჯერებელია, რა პატარა იყო, როცა პირველად წაიკითხა მთელი წიგნი.

იმის მამა თითონ სწერდა და გაზეთის გამომცემელი იყო; დიდი ბიბლიოთეკა ჰქონდა და აი იქ კითხულობდა ელიტა, შეიძლება, იმაზე მეტს, რაც მისთვის შესაფერი იყო. ელიტა სცხოვრობდა ლონდონში; იმისი ახალგაზდა ლამაზი დედა ძალიან იყო საზოგადოებაში გართული, მამას ბევრი საქმე ჰქონდა. მასწავლებელი ქალი მის ლენიკი მოდიოდა მარტო დილაობით; ამიტომ პატარა ქალი უმეტეს დროს მარტოდ ატარებდა; და რაკი მარტო იყო, თითქმის სულ ბიბლიოთეკაში იჯდა და მამის დიდ წიგნების და იმის გაზეთების კითხვაში იყო გართული.

ვაზეთი ძალიან მოსწონდა ედიტას: ძალიან ბევრჯერ თობ ამბებს ტყობულობდა, ბევრ იმისთანა რამეს ამოიკითხავდა, რაც ყოველ დღე ჰხდებოდა იმავე ლონდონში და არასოდეს იმ ქუჩაზე, სადაც ედიტა სცხოვრობდა, მაგრამ მისდა შეუმჩნეველად. ვაზეთებში ამოიკითხა, მაგალითად, რომ არის ისეთი ჯურის ხალხი, რომელთაც საკვირველი ხელობა აურჩევიათ: შეიპარებიან სხვის სახლში ღამით და იპარავენ ძვირფას ნივთებს; ამისთანა ხალხს ვაზეთში ქურდებს ეძახდნენ.

ედიტამ რომ პირველად წაიკითხა ამ ქურდების ამბავი, ძალიან შესწუხდა და დალონდა.

ერთი, რომ ახლა ეშინოდა სალამოობით მარტო ოთახში დარჩენა; მეორე—ძალიან ებრალებოდა ქურდები: ნუ თუ მეტი არაფრის გაკეთება არ შეუძლიანთ? ქურდობა ხომ ძალიან ცუდი და საშიში ხელობაა.

ისე ხშირად ჭ იმდენს ფიქრობდა ქურდების შეახებ, რომ ბოლოს ველარ მოითმინა ჭ გადასწყვიტა დაწვრილებით იმათი ამბავი მამისაგან გაეგო.

ერთ დილას, მამა საუზმეს მიირთმევდა და თან ვაზეთსაც ათვალთქვებდა, როდესაც ედიტა გამოეღობარაკა.

— ჩემო მამა, — დაიწყო დინჯად თავის პატარა ხმით და დინჯად შეჰხედა მამას თავის დიდრონ დაფიქრებულ თვალეზით, — ჩემო მამა, შითხარი, გეთაყვანე, რას ფიქრობ ქურდებისას, რა „წოდების“ ხალხია ეგ ხალხი?

„რა წოდებისაო“ იმიტომა სთქვა, რომ წინად ვაზეთი მამის ერთ ამხანაგისაგან, რომელიც ისე უყვარდა და მოსწონდა, რომ ცდილობდა იმისთვის წაემაძა ლაპარაკში.

მამა ოდნავ შეკრთა, თითქო ედიტამ გამოადვიძაო. ვადიგდო შუბლიდან თმა და შეაშტერდა პატარა ქალს.

— ქურდებისას? რა „წოდებისანი“ არიან? — გაიმეორა ჩურჩულით და გაშტერებული უყურებდა პატარა ქალს.

— რა „წოდებისანი“ არიან, მეკითხები ნიკსი?



ნიკის ეძახდნენ ედიტას, მამა და ყველა შინაურები.

— ნიკი, დედა სად არის?

— დედას ჯერ კიდევ სძინავს, ჩემო მამა, გუშინ ძალიან გვიან დაბრუნდა შინ, დაქანცული, ახლა რომ მოედოდი, ჩუმად შევიხედე იმის საწოლ ოთახში: ისეთი კარგი, ისეთი ლამაზია მძინარე. — მაშ, მითხარი, მამიკო, რას ფიქრობ ქურდებისას?

— მე მგონია, რომ ეგ ძალიან ცუდი „წოდებაა“, ნიკი, ძალიან ცუდი!

— ნუ თუ არ არიან კეთილი ქურდები, მამა?

— კარგია, ემარა სისულელის ლაპარაკი, ნიკი! რასაკვირველია არა! — უპასუხა მამამ და განაგრძო ლიმილით, როგორც ილიშებოდა ყველა, ვისაც კი ედიტა ეკითხებოდა რასმე და ისიც პასუხს აძლევდა: — ეს საზოგადო წესია, ნიკი, ქურდები არასოდეს არ განირჩევიან თავის ზნეობრივ სიწმინდით და კარგის ყოფაქცევით.

მაგრამ ედიტამ ვერ გაიგო, რას ნიშნავდა „ზნეობრივი სიწმინდე“ და იმავე დროს განაგრძობდა ხმა-მალლა ფიქრს:

— აი, ამას წინად მის ლენი მიამბობდა, რომ არიან ისეთი ლარიბი ბავშვები, ისეთი უბედური... არაფერ არას ასწავლის არც ფრანგულს, არც მუსიკას, კითხვაც კი არ იციან, — იცი, მამა, — არასოდეს არა ყოფილან „კარგ გარემოებაში“ მის ლენმა სთქვა... და მე მგონია, ისინი გამოდიან ქურდები? იმიტომ რომ არა ყოფილან „კარგ გარემოებაში...“ კარგ გარემოებაში რომ ყოფილიყვნენ შეიძლება არც გამხდარიყვნენ ქურდები. ხომ ასეა, მამა?

— ფრანგულ ენისა და მუსიკის სწავლა, რასაკვირველია, აწვითარებს და ამაღლებს გონებას. ეს უეჭველია, ძვირფასო ნიკი, — უპასუხა ლიმილით და ხუმრობით მამამ, რაც ძალიან აკვირვებდა და სწყინდა ედიტას.

მაგრამ უცებ მამამ გადაავლო თავის ქალს დარდიანი თვალი და ჰკითხა:



— რამდენის წლისა ხარ, ნიკი?

— შვიდისა, — უბასუბა ედიტამ. — მერვეში გადავდექი. მამამ ღმრად ამოიოხრა.

— მოდი ჩემთან, ჩემო პაწიავე, — უთხრა მამამ და გაუწოდა თავისი ღონიერი ხელი.

ედიტა წამოდგა და მივიდა მამასთან, მამამ მაგრა ჩაიკრა გულში და დაუწყო კოცნა და აღერსი.

— ნულარ იფიქრებ ქურდების შესახებ ნიკი, ნუ აწვალვებ შენს პატარა თავს ტყუილად.

— მეც მოხარული ვიქნები, რომ არ ვიფიქრო, მამიკო, მაგრამ არ შემიძლიან. ჩემი ფიქრი უნებურად ყოველ დღე იმათ დასტრიალებს ცოტ-ცოტათი... იცი მე რა მგონია? რომ ბოროტს ქურდებ შორის უეჭველად ერთი კეთილი ქურდი მინც იქნება და აი ის მეკოდება ძალიან! ქურდებიც მებრალბებიან! იმათ ხომ მთელი ღამეები არ სძინავთ, წვიმაში, სიცივეში სულ ქუჩაში ატარებენ თავის სიცოცხლეს, რადგან არ არიან „კარგ გარემოებაში...“

საკვირველი ის არის, რომ როცა ედიტა საუზმის შემდეგ შევიდა დედის ოთახში, იქაც ქურდების შესახებ გაიგონა ლაპარაკი.

ედიტას ძალიან უყვარდა თავისი ღამაზი დედა და ძალიანაც თავი მოსწონდა, რომ ასეთი დედა ჰყავდა. ცდილობდა მზრუნველობა რამ გამოეჩინა მისთვის, ემსახურნა, როგორც კი შეეძლო, თავისებურად, ბავშურად: არასოდეს არ აბეზრებდა თავს, არ უშლიდა ძილს, ეხმარებოდა ჩაცმაში, მოჰქონდა რე აწვდიდა მისთვის საჭირო ნივთებს, უკრავდა პატარა ფეხსაცმელების და ხელთათმანების ღილებს, ეჭირა ხელში და დაჰქონდა იმისი მოსახხამი, სანამ არ დასქირდებოდა.

იმ დილით, როდესაც ედიტა შევიდა დედასთან, იქ იყო მოსამსახურე ქალი და რაღაცას იღელვებით უამბობდა ქალბატონს; საყვარელი დედა-კი იდგა იმის წინ გაფითრებული.



— სულ მთლად გაცარცვეს, ქალბატონო, მთლად დევ მადლობა ღმერთს, რომ ჩვენთან არ შემოვიდნენ, — ამბობდა მოსამსახურე.

— ვინა, ეანეტა? — ჰკითხა ედიტამ.

— ქურდები, მის, რომელნიც წუხელ შეიპარნენ ჩვენ მეზობელ სახლში და გაიტანეს მთელი ვერცხლეულობა და ქალბატონის ბრილიანტები.

— თუ ოდესმე შემოიპარებიან ჩვენთან ქურდები, — მგონია ვერაფერ ჩვენგანი ვერ შეიტყობს ამას, — სთქვა დედამ... თუმცა გული ძალიან დამწყდება, ჩემი ოქროს ნივთები რომ მოშპარონ. რა საშინელება იქნება, უცებ რომ გამომეღვიძოს ღამე და ჩემს ოთახში ქურდები დავინახო! მგონია — იქვე მოკვდე შიშითა. უეჭველია. დავიწყებ ყვირილს და მაშინ, ვინ იცის, რას დამმართებენ ქურდები!.. იცოდე, ნიკი, თუ ოდესმე მოგეჩვენოს, რომ ქურდი შემოიპარა ჩვენს სახლში, არ იყვირო და არ ასტეხო ხმაურობა. ყოველ შემთხვევაში სჯობს სულ გაგვქურდონ, ვიდრე დაგვბოცონ ყვირილისათვის.

ედიტამ შემოხვია ხელები წელზე და აღერსით ჭთხრა:

— ჩემო ძვირფასო დედა, არასოდეს, არასოდეს არ მიეცემ ნებას ქურდებს შეგაწუხონ ან შეგაშინონ. ვეცდები როგორმე ჩავაგონო ქურდებს. დედიკო, რომ არ შეგაწუხონ. მე მგონია ქურდიც დაიჯერებს კეთილ რჩევას, ხომ, დედილო?

ამ სიტყვებმა დედა გააცინეს ისე, რომ სრულებით დაავიწყდა ქურდები და სახე ისევ გაუბრწყინდა. მალე სრულიად გამხიარულდა და დაიწყო მღერა ერთ-ერთ ოპერის ხმისა.

სადღე წინად ედიტას მამა უეცრად დაბრუნდა რედაქციიდან. საჩქაროდ გადმოხტა ეტლიდან, სწრაფად აირბინა კბე და შევიდა კოლთან. კოლი იჯდა სასტუმრო ოთახში და ედიტა ხმა-მალლა უკითხავდა წიგნს.



— კიტი, ჩემო სიცოცხლე, — უთხრა ცოლს, — აუცილებლად ეხლავ, ხუთი საათის მატარებლით უნდა წავიდე გლასგოში. ძლივს მოვასწრობ ტანისამოსის ჩალიგებას და სადგურზე მისვლას.

— ეჰ, ფრენსის, მეტად მწყინს ახლა შენი წასვლა — წამოიძახა დედამ, — სწორედ მაშინ მიდიხარ, როცა ჩვენი მეზობელი ნორისი გაქურდეს! ძალიან მეშინიან მარტო დარჩენა.

— რისა გეშინიან? მოსამსახურეები ხომ შინ იქნებიან. ნიკსიკ შენთან დაიძინებს. ეს ხომ ყოჩალია და კარგად მოუფლის თავის დედას. ხომ, ნიკსი? მაგას კიდევ გაუხარდება ქურდის გაცნობა.

— რასაკვირველია, ნიკსის იმედი უფრო უნდა მქონდეს. ვიდრე მოსამსახურეებისა. სამივე დედაკაცს თავიანთ ოთახში ისე სძინავთ, როგორც მკვდრებს და, აბა, ისინი რას გაიგებენ? რო გაიგონ კიდევ, მორთავენ ყვირილს და ვერაფერს მიშველიან!

— ნიკსი კი არ იყვირებს, — სთქვა სიცოლით მამამ. ნიკსი რაინდივით მოიქცევა. ჩამიბარებიხარ იმისთვის.

მამა, როგორც ყოველთვის, ხუმრობდა, ედიტამ კი ეს სიტყვები ხუმრობად არ ჩასთვალა, ბავშვი გრძნობდა, რომ დედა მართლა იმასა ყავს ჩაბარებული და რომ ეს საქმე სახუმრო არ არის. ამან ისე ჩააფიქრა ბავშვი, რომ სადილზე ხმა არ ამოუღია; ნასადილევისაც კი ისე ჩუმად იჯდა, რომ დედამ ჰკითხა:

— რა დაგეშინებდა, ნიკსი? რას ჩაფიქრებულხარ ეგრე? გაჩუმებულხარ, თითქო პირში წყალი გაქვს დაგუბებულიო და ზიხარ გამოკიმიული, როგორც პატარა დედოფალი.

— მე სულ შენზედ ვფიქრობ, დედა.

დედამ გაიცინა და აკოცა.

— ჩემზე რა უნდა იფიქრო ისეთი? არ მოველოდი სწორედ, რომ გაეხდებოდი საგანი შენის მძიმე ფიქრებისა.


ქილის დრო მოვიდა და ბავშვი შევიდა დედის აღმზრდელს დასაძინებლად.

— იცი, რაც უნდა იყოს, ძალიან მოხარული ვარ, ნიკსი, რომ ჩემთან იქნები—უთხრა დედამ სიცილით. მართლა შემეშინდებოდა მარტოს ძილი ამოდენა ოთახში.

ცხადი იყო, დედას ცოტათი ეშინოდა, მაგრამ, როცა ჩაწვა თავის რბილ ლოგინში, მალე დაეძინა და ისეთი დამშვიდებული, ბედნიერი, მშვენიერი იყო, სახე ისეთი ლამაზი ჰქონდა, რომ ედიტამ თვალი ვერ მოაშორა.

ეკ. ლორთქიფანიძისა

(დასასრული იქნება)





## დავით ებრაელთა გეგვა

### და სოლომონ ბრძანი



ეთხუთმეტე წელიწადი მიდიოდა დავითის მეფობისა. საშინელი ცივი ზამთარი იყო, მდინარენი მთლად გაიყინა ამ დროს იერუსალიმის ტაძართან ორ ყმაწვილ კაცს გაცხარებული ბაასი ჰქონდათ. ლაპარაკობდნენ თავმოყვარეობასა და სახელის შექმნის შესახებ. სახელის გულისათვის ზოგიერთი ახირებულ საქციელსა კადრულობსო.

— სახელსა და პატივმოყვარეობაზე უმაღლესი აღარა მიგაჩნია-რა ქვეყნად, მაგრამ კარგად რომ ჩაუფიქრდეთ, ყოველივე დიდება ქაფიან არაყსა ჰგავს, რომელიც ადვილად ამოჰქრება ხოლმე ქურქლიდანაო, — უმტკიცებდა ამჟონი მეორე ყმაწვილ კაცს.

— დეე, ამოჰქრესო, — ეწინააღმდეგებოდა აბიათარი: — სამაგიეროდ ეგ არაყი ათრობს აღამიანს. ვინც რა უნდა სთქვას, მე კი ძალიან მომწონს, როცა ქვეყანა ჩემზე ლაპარაკობს... სახელის გულისათვის თუნდა სილოამის საბანელშიაც ჩავბტები ამ ცივ ზამთარში!

— ჩახტომა ადვილია, შენ ისა სთქვი, რამდენ ხანს შეგიძლია იქ გაჩერებაო, — დაეკითხა ამჟონი.

— თუნდა ერთ საათსაც.



— ერთ საათს? — გაიმეორა ამონხმა დაცინვიდა.

— დიაღ, ერთ საათს რას იცინი?

— მაშ, აი მოწმენი და, თუ შენ იქ ერთ საათს გასძლებ, ას ოქროს ბეჭედზე დაგენაძლევები.

ცნობის-მოყვარე და ყოველ გვარ გართობის მოტრფიალე ხალხს თავი მოეყარა და ყურს უგდებდა ყმაწვილებს.

— მოწამე იყავით, ხალხნო, რომ თანახმა ვარ სანაძლეოზე! — დაიძახა აბიათარმა.

დანაშნეს დრო და ხალხი დაიშალა.

აბიათარის დედამ რომ ამ უგუნურ სანაძლეოს ამბავი გაიგო, შეიღს ტირილით ხვეწნა დაუწყო, თავი დაენებებინა ამ სახიფათო საქციელისთვის, მაგრამ აბიათარი თავის სიტყვას აღარ გადადიოდა.

მეორე დღით მივიდა აბიათარი დანიშნულს ადგილს, სადაც ხალხი უკვე შეგროვილიყო სეირის საყურებლად. ამონიცი მივიდა.

— როგორა ხარ პირობაზე, აბიათარ! გაქრა გუშინდელი შენი ტრახახობა, თუ ჯერ არა?

აბიათარმა თავგამოდებით გაიხადა ტანისამოსი, გადაყარა აქეთ-იქით, იშვირა ფეხი, ჩახტა ამომტვრეულ ყინულიდან და ყელამდი ჩაიშალა წყალში. მოისმა მაყურებლების წივილ-კივილის ხმა და ამ ხმაურობას დედის მწარე ქვითინი შეერია. დედას მოეტანა ზეწრები და საბნები, დაანთო შორი ახლოს ცეცხლი, რომ ერთის საათის შემდეგ გაეხვია შეილი თბილ საბნებში და მოეთბო ცეცხლა პირას.

დრო ნელა მიდიოდა. დედას ცრემლებით აესილი თვალები გაღურჯებულ შეილისაკენ მიეპყრო და არ აშორებდა... მძაფრმა ყინვამ აბიათარს ძვალსა და რბილში დაუარა და კბილი კბილს აცემინებდა. შესწუხდა საშინლად ყმაწვილი. რამდენჯერმე დაყვირებაც დააპირა საშველად, მაგრამ ის ფიქრი, რომ ხვალთან მთელ ქალაქს იმის სიმამაცეზე ექნებოდა ლაპარაკი პარში ბურთსა სჩრიდა... გავიდა ბოლოს დანიშნუ-



ლი დრო. თბილ საბნებში გახვეულ და ცეცხლაპირას მიწვენილ, გაყინულ-გათოშილ აბიათარს დედის მზრუნველობითა და მეცადინეობით ძლივს დაუბრუნდა სიკაცხლე, — მოჰკრა თვალი ამმონს და კრიკა შეკრულმა ძლივს წაილულლულა. „მიჯობნიაო“.

ამმონი სანაძლეოს მიცემაზე უარს ამბობდა: „სამართალში დაგიმტკიცებ, რომ სანაძლეო არ წამიგიაო“, ეუბნებოდა. წარდგნენ სამართლისათვის დავით მეფესთან.

მეფე იჯდა ძვირფასად შორთულ დარბაზში სპილოს ძვლების ტახტზე; მარჯვნივ თავისი შვილი სოლომონი მოესვა, მარცხნივ — წინასწარმეტყველი ნათანი და თავს დარაჯად შეიარაღებულნი ლევიტელნი და მეფის რწმუნებულნი აღდგნენ.

— აბა, მოჰყევით, როგორ იყო საქმე? — ჰკითხა მეფემ მომჩივრებს.

აბიათარმა მოახსენა დაწერილებით საქმის ვითარება.

— სრული სინამდვილე მოგახსენათ აბიათარმა, მაგრამ გასინჯეთ, დიდებულო მეფეო, რად უნდა გადაამხდეს სანაძლეო, რომლის მოგებაშიაც მაგას დედა შევლოდა.

— როგორ თუ დედამ შევლოდა?! — შესძახა განცვიფრებით აბიათარმა.

— დედა შენი არ იყოს, რომ ცეცხლი დაგინთო და იმისმა აღმა გაყინულ წყალს ყუჩი მოსტება?

ამ პასუხზე აბიათარს გაეცინა.

— გასინჯეთ, მეფეო, შეეძლო ვინმეს ერთ საათს გაეძლო გაყინულ მდინარეში ამ საშინელ ზამთარს, თუ რომ მახლობლად ცეცხლი არ ნთებულო და იმის აღს სიბოო არ მიეცა? — მოახსენა ამმონმა.

— მართალი ხარ! გადასწყვიტა მეფემ და მიუბრუნდა აბიათარს:

— შენ კი დედა შენს დააბრალე, რომ ოკროს ბეჭდებს ველარ მიიღებ!.. აბიათარმა თავი ჩაღუნა და გამოვიდა. ამმონმა კი ქება-დიდება შეასხა მეფეს და მის სიბრძნე-ვარსა-



ზე ლაღადებდა... მხოლოდ სოლომონმა, ძემ ბერსაბესაძესთან კვირვებით გადაჰხედა მამას და თავი გაიჭნია.

სოლომონი იმ ეამად იყო რვა წლისა.

იმ ხანებში მეფემ დიდი ნაღიმი გამართა და წარჩინებულნი მიიწვია. შეუდგა მზარეულთ უზუცესი სანაქებო საქმელების კეთებას თავის გამოსაჩენად და მეფის სასახელოდ. ვინ ჩამოსთვლის, რამდენ ნაირი საქმელები მზადდებოდა: უამრავი უმი ხორაგეულობა ეწყო სამზარეულოში და ელოდა ლუმელში შეწყობის დროს. სხვადასხვა ყალიბის ქვაბები, ქოთნები, ტაფები და პინები ყელმოდერებული ჩარაზმულიყვენ და მხიარულად გალუდლუდებულ ლუმელს შესცქეროდნენ.

ამ დროს სამზარეულოში შევიდა სოლომონ.

— კიბორ, ყური მიგდე, რა გითხრა! — უბრძაძა მეფის შეიღმა მზარეულს: — შენ ხომ ყველაფერი უნდა აასრულო, რასაც მე გიბრძანებ? შართალია თუ არა?

— შევასრულებ, რასაც კი მიბრძანებ! — მიუგო მზარეულმა მოწიწებით.

— დღეს არც ერთი საქმელი არამცა და არამც ცეცხლს არ მიაკარო: ლუმელის შორი-ახლო დააწყე, ორი წყრთის მანძილზე და ისე იყოს. ეს არის ჩემი ბრძანება!

— ამსრულებელი ვარ შენის ბრძანებისა, — უპასუხა მზარეულმა და დიდის განცვიფრებით მიაპყრა თვალები ბავშვს.

სალამოს ეამს მეფე დიდებულის სტუმრებით შემოუხდნენ სუფრას. გაჩირაღდებულ დარბაზს კაშკაში გაჰქონდა. ოქრო-ვერცხლეულობა და თვალ-მარგალიტი თვალებსა სჭრიდა სტუმრებს; გარშემო გუნდრუკის საიმო სურნელება ტრიალებდა...

დაიწყეს საქმელების ზიდვა და მირთმევა. საკრავების მხიარული ხმები გაჯიბრებით ერთმანეთში ირეოდა. უეცრად გაისმა დარბაზში შრისხანე ხმა მეფისა:

— გეფიცებით ამმონიტნიანებს, რომლებიც არა ერთ გზის დამიმარცხებია, რომ დღეს ხორცეულობა სრულიად უმია და

ხაქაპურებს ცეცხლი არ მიჰკარებიო!.. აქ მომგვარეთა მხარე უნდა ული!..

შემოიყვანეს კიმორი ორმა მხედარმა.

--- უძლიერესო მეფევე, დამმარცხებელო გოლიათმა, ეს ჩემი ბრალი არ გახლავთ და ნუ შემრისხავთ! — მოახსენა მზარეულმა.

— მაშ, ვისი ბრალია, რომ ყველა საკმელები უმია, როგორც ეს ხილეულობა, რომლებიც წინ გვიწყვილა.

— მეფეო! შე ეგ მოვიქმედე თანხმად ბრძანებისა..

— რომელი ბრძანებისა? ვინ გაბედა ამ გვარი უგუნური ბრძანება?!

— შენმა შვილმა... სოლომონმა...

— როგორ თუ სოლომონმა! შეჰყვირა მეფემ: აქ მომგვარეთ ამ წაშსვე! შემოვიდა სოლომონი მზიარულის სახით და ცბიერის ღიმილით შეჰხედა მამას.

— მართალია, მამაჩემო. კიმორი ჩემის ბრძანებით მოქმედებდაო! უთხრა მან გაბედვით.

— რამ გაფიქრებინა მერე ასეთი ბრძანება! ჰკითხა წყენით მამამ. ბავშვი ცოტა ხანს გაჩუმდა და მერე დინჯად მიუგო:

— შე მეგონა, რომ თუ კი ცეცხლი რამდენისამე ნაბიჯის მანძილზე სილოამის საბანაოს გაათბობს, საკმელების შეწვა-მოხარშევისაც შეიძლებდა ორის ნაბიჯის სიახლოვეს!.. ახლა ვატყობ, რომ შევესტდი, მაგრამ ვის შეუძლია თავი შეუტდომელად ჩასთვალოს!..

მეფეს გაჯავრებულ სახეზე მზიარულმა ღიმილმა გადაუთამაშა; მოეხვია შვილს, აკოცა შუბლზე და უთხრა:

-- შენ ბრძენი ყოფილხარ, შვილო ჩემო!

მას დღეს აქეთ დაერქვა დავითის შვილს სოლომონ „ბრძენი.“

თეო კანდელაკი





## ანასტასია მიხეილის ასული

### თუმანიშვილი - წერეთლისა

ვენს რიცხვ-მცირე მოღვაწეთა შორის ანასტასია მიხეილის ასულს თუმანიშვილი-წერეთლისას ფრიად თვალსაჩინო ადგილი უპირავს. ვინც ჩვენის საზოგადოებრივ საქმეების განვითარებას თვალ-ყურს ადევნებდა ამ უკანასკნელ ოცის წლის განმავლობაში, იგი უთუოდ შეუმჩნე-





ველად არ დასტოვებდა იმ ნაყოფიერ მოღვაწეობას, რომელსაც ასე უანგაროდ და თავდადებით ეწეოდა ანასტასია წერეთლისა.

წელს, სწორედ იანვარში სრული ოცდაათი წელიწადი შესრულდა, რაც ქ-ნი ანასტასია პირველად გამოვიდა სამოღვაწეო ასპარეზზედ, ამ ხნის განმავლობაში სიტყვით, საქმით, მწერლობის საშუალებით დაუღალავად და უანგაროდ ემსახურებოდა ჩვენის ერის კეთილდღეობის საქმეს და მუდამ დღე შეტკბონდა თავისი წვლილი იმ საღააროში, რომელსაც ქართველთ ერის გონებრივად წინმსვლელობის საქმეს ეძახიან.}

ამიტომ „ნაკადული“-ს რედაქცია სასიამოვნო მოვალეობად სთვლის აუწყოს თავის პატარა მკითხველებს ცნობანი ამ ღირსეულ ადამიანის ვინაობისა და მოღვაწეობის შესახებ.

ანასტასია მიხეილის ასული თუმანიშვილი-წერეთლისა დაიბადა ქ. ტფილისში 1867 წ. ანასტასიას მამა მიხეილ თუმანიშვილი, თუმცა ტომით სომეხი იყო, მაგრამ, როგორც საქართველოში დაბადებული და აღზრდილი, მუდამ ქართველებში ტრიალებდა და კიდევ ამიტომ მისი ოჯახი ქართველის ოჯახისაგან არაფრით არ განირჩეოდა. პირიქით, მიხეილ თუმანიშვილი სულით და გულით ქართველი იყო, კარგი მკოდნე ქართულის ენისა, ქართულს მწერლობაშიაც მონაწილეობას იღებდა და ყველა თავის შვილებს გულში უნერგავდა ქართველ ერის სიყვარულისა და პატივისცემის გრძობას. მშობლებმა ანასტასია ძლიერ ადრე მიაბარეს ტფილისის საქალბო ინსტიტუტში, საცა კურსი დაამთავრა ჯერ კიდევ თხუთმეტის წლის ახალგაზდა ქალმა. ინსტიტუტში იმ დროს, თუმცა ქართულ ენას ასწავლიდნენ, მაგრამ ამ საგნის სწავლება ძლიერ კოკლობდა, ასე რომ ქ-ნმა ანასტასიამ ქართული ენის ცოდნა და სიყვარული შეიძინა მხოლოდ მშობლების ოჯახში.

მიხეილ თუმანიშვილის ოჯახში, განსაკუთრებით 1876 წლიდან, როცა ქ-ნ ანასტასიას ძმა გიორგი თუმანიშვილი დაბ-



რუნდა პეტერბურგიდან კურს დამთავრებული, მრავალწინა მრავალწინა თველი მოღვაწე იკრიბებოდა, ბკობდა და ბაასობდა ჩვენი საზოგადო საქმეების შესახებ. ახლად კურს-დამთავრებული ანასტასია დიდის ცნობის მოყვარულობით აღდევნებდა თვალ-ყურს ასეთს ბაასს და დაახლოვებით გაიცნო ყველა ჩვენი მოღვაწე და ჩვენი საზოგადო საქმე.

ქ-ნ ეკატერინე გრიგოლის ასულის მესხის შემწეობით ანასტასია დაუახლოვდა „დროების“ რედაქციას და ახლო გაიცნო ამ გაზეთის მაშინდელი რედაქტორი განსვენებული სერგეი მესხი. „დროებაში“ ქ-ნი ანასტასია დრო გამოშვებით ათავსებდა ორიგინალურს და ნათარგმნ მოთხრობებს.

ანასტასია წერეთლისას მარტოოდენ სამწერლო ასპარეზით არ შემოუფარგლავს თავისი ხანგრძლივი მოღვაწეობა; ყველგან, საცა ქართულ საზოგადო საქმის საძირკველსა ჰყრიდნენ, იგი მხურვალე მონაწილეობას იღებდა და თავისი დაულალავის შრომით და მხნეობით საქმის მკვიდრ ნიადაგზე დამყარებას ხელს უწყობდა.

1884 წ. ქ-ნი ანასტასია არჩეუო იქმნა ქართველთა შორის წერა-კითხვის გამავრცელებელ საზოგადოების გამგეობის წევრად. მხნედ და უანგაროდ ემსახურა ამ მეტად დიდ მნიშვნელოვან ქართულ საეროვნო საქმეს თორმეტის წლის განმავლობაში. ქ-ნ ანასტასიას მეცადინეობით და თაოსნობით წერა-კითხვის საზოგადოებამ 1886 წელ. გორის მიზრაში, სოფ. ხელთუბანში, დააარსა პირველ-დაწყებითი სკოლა საზოგადოების გამგეობამ ანასტასიას ჩააბარა ტფილისის ქართულ ბიბლიოთეკების მართვა-გამგებლობაც, რასაც დღესაც მხნედ და დაულალავად ეწევა ჩვენი პატივცემული მოღვაწე.

ანასტასიას მეცადინეობით და თაოსნობით ტფილისში დაარსდა ეგრედ წოდებული „მასწავლებელ ქალთა საზოგადოება“ რომლის თავმჯდომარედ დღესაც ქ-ნი ანასტასია ითვლება. ამ საზოგადოებას თავის დროზედ დიდი მნიშვნელობა ჰქონდა ქართველ ქალთა მასწავლებლებისათვისაც.

ჩვენის მოღვაწის თაოსნობით ტფილისში დაარსდა აგრედვე „ყაზბეგის სკოლა,“ საცა ყველა საგნის სწავლება სწარმოებდა ქართულადა. ამ სკოლის არსებობის დაცვას ანასტასიამ დიდი შრომა და ენერგია მოანდომა. მალე სკოლა გაუქმებულ იქმნა მთავრობის მიერ. ანასტასიამ შეადგინა „განათლების“ სახელით საზოგადოება, რომელმაც, ყაზბეგის სკოლის ნაცვლად, დააფუძნა ოთხ კლასიანი საქალგობო პროგიმნაზია, საცა ქართულ ენას ფრჩად საპატიო ადგილი აქვს დათმობილი.

1890 წლიდან ანასტასია წერეთლისამ მოჰკიდა ხელი საყმაწვილო ჟურნალის „ჯეჯილის“ ბეჭდვას. საზოგადოდ საყმაწვილო ჟურნალის მართვა-გამგებლობა მეტად მძიმე საქმეა და განსაკუთრებით კი ჩვენში, საცა მრავალი დამაბრკოლებელი მიზეზი უშლის ხელს ამ მეტად დიდ მნიშვნელოვან საქმის ნაყოფიერად წარმართვას. თუმცა ეს ასე იყო, ანასტასია მაინც მთელის ოცის წლის განმავლობაში მზნედ და უანგაროდ ემსახურება მოზარდ ახალ თაობის გონებრივ განვითარების საქმეს. „ჯეჯილში“ მან მოაგროვა იმოდენი საგულისხმიერო მასალა, რომ მომავალი ახალი თაობა ყოველთვის მადლობით მოიხსენიებს ჩვენს უანგარო მოღვაწეს, რომლის მადლიანი ხელი ასეთის შურუნველობით თავს დასტრიალებდა ჩვენს ნორჩსა და ჯერ ღარიბ საყმაწვილო ლიტერატურას. ამ ეამად კი საზოგადოებამ, ნიშნად პატივისცემისა, უყურადღებოდ ვერ დასტოვა ქ-ნ ანასტასია მიხეილის ასულის თუმანიშვილი-წერეთლის ასეთი ხანგრძლივი მოღვაწეობა და 14 იანვარს გამართა დღესასწაული ქართულ თეატრში, საცა დაახლოვებით აღნიშნულ იქმნა ის დიდი დამსახურება, რომელიც ქ-ნ ანასტასიას მიუძღვის მოზარდ ახალთაობის გონებრივ განვითარების საქმეში.

ა. მიქაბერიძე





# ფუტკარი და მისი ცხოვრება

წერილი მირვა

(უძლინი ბუტაქუნელი გოგი ვარლამის-ძეს კიკინაძეს).

(შემდეგი)

მე სულ სხვა ვარ, სული სხვა მუშა  
და სხვა გვარად მოღვაწეო:  
ზეცის მუშას მუშახთან,  
არ ვარ მარტო საშიწო. აკაკი.

## მართში — ნაშარი



ემო მეგობრებო!

იმედია, არ დაძრახავთ; ცოტა არ იყოს, გავაქიანურეთ ფუტკარი და მისი ცხოვრება. ძველი წლიდგან ახალში გადმოვიტანეთ ჩვენი საუბარი, მაგრამ, ვფიქრობ, ამ ახალმა წელმა უფრო შეგაყვარათ კიდევ ფუტკარი. ის ტკბილი გოზინაყი, რომლითაც დედამ ახალ წელს

დავაბერათ, თქვენც კარგად იცით, თაფლისგან იყო მომზადებული — თაფლს-კი ფუტკარები ამზადებენ. დედამ გისურვით გოზინაყით ტკბილად დაბერება. ვეთანხმები დედა თქვენს. მეც ვაბერებთ ამ ნაახალწლევს ჩემის საუბრით და გისურვებთ — თქვენი ცხოვრება ყოფილიყოს თაფლივით ტკბილი, თქვენ თვითონ — მუშა ფუტკარივით ბეჯითი, მშრომელი, მზნე, გამრჯელი და მომჭირნე, დამზოგველი. თქვენი შრომა ყოფილიყოს ნაყოფიერი ისე, როგორც დედა ფუტკარია ნაყოფიერი.



აწ კი შეუდგეთ საქმეს. ხომ გახსოვთ, ცაცხვის ტოტზე მართვი არის მიყრილი: თუ დროზე არ მივხედვით და ჩვენს ნებაზე სკაში არ დავაბინავთ, ბევრს არ მოგვცდის იქა. ჯერ კიდევ მაშინ, როცა ყრა დააპირეს, მაშინვე გაზავნენ ტყისაკენ მწვერავე-შიკრიკი ფუტკრები ბინის მოსაძებნად. მწვერავეები გაფაციცებით ეძებენ ტყეში ფულუროებიან ხეს, კლდეში—მშრალ ნაპრალს, ან ძველ ეკლესიის ან სახლის ორმაგ კედლებს, ან ქერ ქვეშ. ოღონდ კი იპოვნონ მშრალი და მყუდრო ადგილი და მერე თვითონ იციან, როგორ მოეწყონ. როცა ასეთ შესაფერ საბინადრო ადგილს იპოვნიან მწვერავე-მაძებრები, იმ ადგილს დაინიშნენ, მერმე მოვლენ თავიანთ დობილებთან, წინ გაუძღვებიან და დაინიშნულ ადგილას მიიყვანენ. მშვიდობით მერმე! მართვი დაგვეკარგება, ნაყარი იცხოვრებს ტყეში და ხელიდან წაგვივა ტკბილის თაფლისა და წმინდა სანთლის მომცემი.

ამისთვის არის, რომ მეფუტკრე ჩქარობს, ადრე დააბინავოს ნაყარი.

პირველად ნაყარს აპკურებს წმინდა წყალს; ცივი წყალი ფუტკარს ამშვიდებს კიდევ და თან ფრთების დასველება გაფრენის ხალისს უკარგავს. შემდეგ იღებს ამისთვის საგანგებო სამართვე კალათს. კარგია, თუ კალათს თაფლ წყალს გამოავლებს. საზოგადოდ ნაყარი იშვიათი მშვიდია. ძრიელ იშვიათ შემთხვევაში იკბინება, მაგრამ თუ მეფუტკრე დიდი გამოცდილი არ არის, სჯობს პირზე ბადე გაიკეთოს. სამართვეზე მეფუტკრეს პატარა გალია აქვს მიბმული. ეს გალია დედა ფუტკრის საბატიმროა. ასეთის ხელ საწყობი მეფუტკრე ადის ხეზე, რომელზედაც მართვია და სიფრხილით ტოტიდგან ნაყარს ჰყრის სამართვეში. ის ამ დროს გულდადებით ათვალთქვებს დედა ფუტკარს და, თუ შეხვდა, ნაზად, ისე რომ არა ავნოს რა, იქერს და პატარა გალიაში აპატიმრებს—გალიას სდებს კალათში. შემდეგ მეფუტკრე არხეინად არის: გული საგულეს აქვს. კარგად იცის, უდე-



დოთ ფუტკრები არსად წაელენ და იქ დასცემენ ბენისკაცს მათი დედა-მამრავლია. აბა, სად გაგონილა, ლაშქარს წინ სარდალი არ მიუძღოდეს! როცა ფუტკრები კალათაში დაბინავდებიან—მეფუტკრეს შოაქვს და ძირსა სდგამს, ჩეროში, მყუდრო ადგილას. თვითონ-კი ახლა სკა უნდა მოამზადოს. სკას სდგამს იქ, საცა სამჯობინაროდ მიაჩნია, საფრენს აღმოსავლეთისაკენ დაატანს, იმისთვის რომ ფუტკრები პირველ მზის სხივებმა სამუშაოდ გამოაღვიძოს. სკა საქიროა დაიდგას ძრიელ სწორედ, თარაზოში. თუ მეფუტკრე სკაში ამ დროს ჩასდებს ცოტაოდენ ისეთ ფიქის ნაჭერს, რომელშიაც არის მუშა ფუტკრის კვერცხები და მატლები, ძრიელ კარგი იქნება, რადგან ყოვლად შეუწყნარებელია—ფუტკრებმა (ნაყარმა) დასტოვოს უპატრონოდ ქიები. მეორეს მხრით, ეს იმითია სასარგებლო, რომ, თუ დედა არა ჰყავს მართეს (მართვი უდედოთ არ გამოვა, ვე ვიცით, მაგრამ შეიძლება ბალახებში ჩავარდეს; ან ცელქმა ჩიტმა ან კრაზანა-ბუზმა ჩაყლაპოს.) მაშინ შეეძლებათ კვერცხიდან აღზარდონ დედა. თუ სკა ჩარჩოიანია (მსწავლულ კაცების მოგონილი), მაშინ მეფუტკრემ ჩარჩოებზე თუტკრებს სანიმუშო ფიქა უნდა მიუწებოს. ასეთის თავდარიგის შემდეგ, მეფუტკრეს შოაქვს სამართვე სკასთან, თუ დედა დაკერილი ჰყავს, აბინავებს პირველად გალიას სკაში და შემდეგ ჰყრის შიგ ფუტკრებს და სკას თავს ჰხურავს. რამდენისამე საათის შემდეგ, ფუტკრები ახალ ბინაზე მშვიდობიანად ეთვისებიან ახალ სადგომს და იწყებენ ჩვეულებრივ მუშაობას. კარგია, თუ ამ დროს მეფუტკრე ფუტკრის წასახალისებლად და ზედ მეტ შრომის გამოსაწვევად აქმევს თაფლს ან ტკბილ თაფლ-შაქარა ფაფას. დედა-ფუტკარს (თუ ის ტყვედ არის საკანში) ათავისუფლებენ ორი-სამის დღის შემდეგ, ესე იგი, როცა მეფუტკრე დარწმუნდება, რომ ნაყარმა გული დასდო და ოჯახობას მოჰკიდა ხელი. სორემ არის ისეთი შემთხვევაც, ძრიელ ხშირიც, რომ ნაყარს არ მოუვა კუკაში აღამიანის



მიერ არჩეული ბინა, სტოვებს ამ ბინას და მიღის ტყეში მზევრავთაგან არჩეულ ბინაზე.

ახლა მივხედოთ ძველ სკას, რომელშიაც იყარა, გავიგოთ იქ რაღა ამბავია! იქ ხომ რამდენიმე ახალგაზრდა დედებია. წინად მოგახსენეთ, დედა ფუტკრები დიდი გორი-ზი, მედიდური ხალხია მეთქი: ყველა იმის ცდაშია, თვითონ დაიშვეწონოს თავი დედოფლის გვირგვინით. არას დაგიღვეს, თუ გინდ ასეთ მის პატივ-მოყვარეობას თავისის ღვიძლის დის სისხლი შეეწიროს. ახლა სკა განიცდის სწორედ იმ ხანას, როცა ირღვევა ის სამეფო, რომელსაც სამეფო სკიპტრა ერთი აქვს, მემკვიდრე კი მრავალი ჰყავს. ზოგიერთნი ნაზირ-ვეზირნი, ერისთავნი და სხვანი ერთ მემკვიდრეს ემხრობიან, ზოგნი—მეორეს. არის ერთი ქიშპობა და შეიძლება სისხლიც დაიღვაროს. ისე ჩვენს სკაში—რამდენსამე დედოფალს მოუყრია თავი და ერთი ცილაობა აქვთ. დავა აქაც სისხლის ღვრით დასრულდებოდა, რომ მუშა ფუტკარა არ ერეოდეს საქმეში. ასეა ცხოვრებაშიც. ხან და ხან ტახტის მემკვიდრეთა შორის ატეხილ დავის გადამწყვეტი ჯარის-კაცობა და მხედრობაა. ვისაც მიემხრობა ჯარი, გამარჯვებულისც ის არის. აქაც მუშა ფუტკრების ნაწილი ემხრობა ზოგიერთ ახალგაზრდა დედას, სტოვებს ძველ სკას და გამოდის გარედ. მაშინ იტყვის მეფუტკრე, ფუტკარმა **ნამეორედა** (ВТОРАЕ) გამოუშვაო. ეს მოხდება ხოლმე პირველ ნაყარის გამოშვების 8—10 დღის შემდეგ. პირველი ნაყარი (ნამთავარა) თუ ღინჯი და წყნარია (წონითაც ნამეორედაზე მეტია; მაგალითად ნამთავარა უნდა იყოს 5—10 გირვანქა, ნამეორედა კი 3—5 გირ.) ადრეც ჰყრის ხის ტოტზე; ნამეორედა—ცელქი და მოუსვენარია. არც გასაკვირველია. ნამთავარას ღინჯი, დარბაისელი, ნაყოფიერი დედა იახლა, ნამეორედას-კი კოპწია, ახალგაზრდა, კეკლუცი სადედოფლოები ახლავთ. ისინი დიდ ხანს ირვეიან ჰაერში, როცა დაბი-



ნავდებიან, მეფუტკრემ იმავე რიგით უნდა ჩამოიყვანოს ვორც ნამთავარო. მაგრამ ძნელია მათ შორის ცელქის დედების ძებნა; თან არც კი ვიცით დაბეჯითებით, რამდენი ჰყავს. შეიძლება ჰყავს ორი, სამი და ხან და ხან ათამდეც კი არის. ამისათვის მეფუტკრე, თუ დრო აქვს, ყველას ატუსაღებს და, რომელ გალიასაც მეტი შემოეხვევა, იმას სტოვებს სადგამურათ (სადედოდ); დანარჩენს აშორებს, ან არა და უფრო ხშირად ჰყრის სკაში და იქ, თუ რომელი დარჩეს ნამდვილ დედამამრავლად, თვით დედოფლების ღონეზეა დამოკიდებული. მუშა ფუტკარს უნდა ერთი დედა, მაგრამ კარგი და ყოჩაღი. ამისათვის ფუტკრობა ახალგაზრდა დედებს სრულს თავისუფლებას აძლევს. ისინიც დაერევიან ერთმანეთს და იმართება ტახტისთვის სამკედრო-სასიცოცხლო ომი. რომელიც ყველას დასძლევს, ყოჩაღიც ის არის და სწორედ ეგ უნდათ მუშა ფუტკრეებსაც; უნდა ჰყავდეთ ღონიერი, ჯანმთელი დედა. ომ-გადაბდილ, გამარჯვებულ დედას მუშა ფუტკრები შემოეხვევიან და კანონიერ დედოფლად აღიარებენ. ისიც შეიფერებს თავის დანიშნულებას და, როგორც წინა საუბრიდგან ვიცით, დასაპებლავად გამოფრინდება; შემდეგ დაპეპვისა, იწყებს კვერცხის დებას და შთამამავლობის გამრავლებას. იმ სკამ-კი, საიდანაც ნამეორედა გამოვიდა, შეიძლება კიდევ იყაროს, მაგრამ რადგან ეს მის სკას ძრიელ დაასუსტებს, მეფუტკრე ამის ნებას არ მისცემს. და არც საჭიროა, რადგან კვლავ ნაყარი ცალკე ოჯახისთვის სუსტი იქნება და ძველ ოჯახს კი დააკლდება.

საზოგადოდ მართვობა-ნაყარობა გაგრძელდება ხოლმე ჩვენში აპრილის პირველ რიცხვებიდან თიბათვის პირველამდე.

აპ. წულაძე

(შემდეგი იქნება)







## ჰაერის ღამოჯილუბა

როგორ გადაფრინდი ლამაზუხა.

(ლუი ბლერიოსი)

ი რას გვიამბობს ბლერიო თაჲის ჰაერით მგზავ-  
რობისას და ლამანუხე გადაფრენისას.

გადაფრენის დღეს, დილით ადრე, საძაგელ გუ-  
ნებაზე გამოვიღვიძე, მაგრამ, როდესაც გამოვედი  
გარედ, დილის ნიავმა ისეთის სიამით დამიბერა და

გამიგრილა პირისახე, ამინდი იმდენად მშვენიერი იყო, რომ



ჩემმა უგუნებობამ სრულიად გაიარა და ვიგრძენ, რომ მხნეობა მომემატა.

ფარდულიდან ჩემი მონოპლანი გამოიტანეს ეზოში. შეუდევით მანქანების გადაშინჯვას. ახალი ვინტი მშვენივრად მუშაობდა და ადვილად ავდიოდი ჰაერში. ქარი მიზიდავს ლამინშისაკენ. ყოველივე მზად არის. უცდი მხოლოდ მზის ამოსვლას. მანიშნებენ, მზე ამოვიდაო. აგერ ვიწვევი მალლა, სულ მალლა და მალლა მიეფრინავ.

ახლა ზღვის დავცქერი; მარჯვნივ კონტრ-ნალმიანი გემია.

მიეფრინავ წყნარად. ქარი არა ჰქრის და ამიტომ საქე არ მჭირდება. მე მგონია, ნელა მიეფრინავ-მეთქი, მაგრამ მგონია იმიტომ, რომ ჩემ ქვემოდ ზღვის ზედა პირის ერთგვარობაა.

როდესაც მიეფრინავ ხმელეთზე, პანორამა ყოველ წამს იცვლება, ერთს სურათს მოჰყვება მეორე სურათი, შთაბეჭდილებანი სწრაფად იცვლება.

ვემადლიერები გულში ჩემს ჰაერობლანს და კმაყოფილებასა ვგრძნობ. სწორედ და კარგად მუშაობს. რადგან არ მინდა შევაჩერო ჩემი ფრენა, მივატოვე ნალმიანი გემი და დავრჩი მარტოდ-მარტო უსამზღვრო ზღვაზედ.

არ დამინახავს არც ჰორაზონტი, არც რომელიმე წერტილი, არც ერთი ორთქლმავალი; დუმილი და მყუდროება, რომელსაც არღვევდა მარტო მოტორის ხმაურობა, თუმცა საშიშო იყო, მაგრამ მაინც საუცხოვო მეჩვენა. ამიტომ დიდის ყურადღებით ვადევნებდი თვალს ზეთისა და ბენზინის განაწილებას. 10 წუთის შემდეგ, რომელიც ერთობ გაქიანურებული მეჩვენა, დავინახე ნაცრისფერი ხაზი; ეს ხაზი თან და თან ცხადად გავარჩიე. უეჭველად ინგლისის ნაპირია მეთქი. მიეფრინავ ამ ნაპირისკენ, მაგრამ ქარი და ნისლი მეხვევა გარშემო და მიძნელდება ბრძოლა მათ წინააღმდეგ.

თითქმის ვერასფერს ვერ ვხედავ. სად არის ღუვრი? სადა ვარ მე? უცბად ვხედავ სამ გემს, ალბად მიეშურებიან ნავთ-

სადგურისაკენ. მეც მივდევი იმათ. ზღვაოსნებმა შემამჩნიეს და სალამს მაძლევდნენ.

მივფრინავ პირ-ქარში ნაპირისაკენ. ქარი ძლიერ ღონიერი; დიდი ძალა მჭირდება. უცბად ვხედავ, ჩემ წინ გამოჩნდა დუვრის უბე.

გიჟურ სიხარულსა ვგრძნობ! ავისრულე ჩემი ნატვრა და თან მშვიდობით გადავრჩი. მივეშურები აღნიშნულ ადგილს და სწრაფად ვეშვები ძირს. ქვემოდან მიქნევენ სამ-ფეროვან ბაირაღებს. ჰაეროვლანს უკან ძლიერია ჰაერის ტალღა და, როდესაც უახლოვდები დედა-მიწას, მიტაცებს გრიგალი.


ვშიშობ, მთელი აპპარატი არ დამემსხვრას; ამიტომ ვაქრობ ცეცხლს მორტორში და ვემორჩილები ბედს. ჩემი ჰაეროვლანის ჩარჩო ეხეთქება მიწას და ცოტათი ზიანდება. რა უშავს! ხომ გადავფრინდი ლამანშზე!

ხალხი ბუზივით მეხვევა გარშემო. მილოცავენ, მვალერსებიან, მართმევენ ხელს. ვვ წუთში გადავიარე ფრენით ლამანში!

**დ. ახვლედიანი**

(დასასრული)





## საზღვარ გარეშე

(მოგონებანი და შთაბეჭდილებანი)



ნგლისში სრული თავისუფლებაა კრებისა და სიტყვისა. სადაც გინდა ილაპარაკე, რაც გინდა ილაპარაკე კანონის ან ჩვეულების მიერ დადებულ საზღვრებში. ხუმრობით ამბობენ, კრივის გამართვაც კი შეიძლება ქუჩაშიო, თლონდ მოკრივენი კანონიერად უნდა კრივობდნენ. კრივს „ბოკსს“ ეძახიან და „ბოკსს“

თავისი წესი აქვს. ცხვირ-პირში გარტყმა, მაგალითად, ბოკსის წესით აღკრძალულია. ბოკსერებმა ბეჭები და მხრები უნდა უზილონ ერთმანეთს. ერთ პოლონელს „ბოკსის“ დროს უკანონო ადგილზე გაურტყავს თავის მოპირდაპირესთვის. იმ წამსვე გაჩნდა საიდანღაც პოლიციელი ღ დააპატიმრეს კანონიერების დამრღვეველი პოლონელი. კანონი და ჩვეულება ინგლისელს დიდადა სწამს.

ლონდონის გარედ სახალხო დღესასწაული იყო. სამღერ-  
სასწაულს მეც დავესწარი. აქ უმეტესად მუშა ხალხი იყრის  
თავს. ერთ საშუალო საუკუნის ციხე-დარბაზთან, სადაც ძველ  
დროში მრისხანე ფეოდალი სცხოვრობდა, განსაზღვრულ დროს  
(შემოდგომას) ყოველ წლივ გროვდება აურებელი ხალხი.  
ხალხს ციხის სარდაფებში ძვლებს და კედელზე მიკრულ ჯა-  
კვებს აჩვენებენ—ძველი დროის ნაშთი, როდესაც მებატო-  
ნეს ხელში იყო ყმათა სიცოცხლე და სიკვდილი. აქვე იმარ-  
თება ტრიბუნები, საიდანაც ორატორები ცხარე სიტყვებს  
ამბობენ. ხალხი ყურადღებით უსმენს მოლაპარაკეთ და აღელ-  
ვებასა და აღფრთოვანებასაც კი იჩენს. აქ პირველად დავი-  
ნახე აღფრთოვანებული ინგლისელები—ჯონ ბერნსს სიტყვას  
ხშირ-ხშირად უწონებდნენ, თანაგრძნობის ნიშნად „ხია“,  
„ხია“-ს იძახდნენ და ჩემთვის აშკარა გახდა, რომ ერთად შე-  
ჯგუფულ ხალხს ყველგან ერთი და იგივე თვისება აქვს. მი-  
უხედავად იმისა, რომ იგი შესდგებოდა აქ თავდაქერილ  
და „ცივ“ ადამიანებისაგან, ერთმანეთთან სულიერ ხელშე-  
ხების დროს რაღაც ნაპერწკალი გაუღვივდა გულში და ამ  
ნაპერწკალმა აჩქარებული და გულწრფელი კილო მისცა ლა-  
პარაკს, სიცილს და დროს გატარებას. აქვე დიდ მინდორზედ,  
თოკებ შემოვლილ ადგილას გაჯიბრება იყო გამართული ბურ-  
თის მოთამაშეთა და სწრაფად მოსიარულეთა შორის.  
ხუთი-ექვსი კაცი გამწკრივდებოდა რიგზე და, ნიშანს რომ  
მისცემდნენ, გასწევდნენ თოკის ირგვლივ იერიშით. ვინც პირ-  
ველი მოიბრუნდა, ჯილდოს მიიღებდა. ერთ წამს დამავიწყდა,  
რომ ინგლისში ვარ და სამშობლოში მეგონა ჩემი თავი.

საღამო ხანს მატარებლები გაივსო შექვეფიანებულ და  
მომღერალ ხალხით. უფრო „მარსელიეზას“ მღეროდნენ.


დაღამებული იყო, ლონდონში რომ მივედი. ჩემს მა-  
ტარებელს, რომელსაც სოფლისაკენ უნდა წავეყვანე, ძლივს  
მიუსწარი. მაგრამ ვზაში მარცხი მომივიდა. ერთ სადგურზე,  
საცა უნდა ჩამოვსულიყავი და სხვა მატარებელში ჩავმჯდარ-



ქართული  
ენების ინსტიტუტი

ვიყავი, არ ჩამოველ და, საცა ჩემი გზა არ იყო, იქითვე გამისრიალა მატარებელმა. უილაჯოდ ფანჯარაში ვიყურებოდი და ლამის წყვდიადი, რომელიც მოაწვა ქვეყანას, არაფერს სანუგეშოს არ მეუბნებოდა. პირველ გაჩერებისათანავე ჩამოველ, მაგრამ რად გინდა, სად წახვალ ამ უცნობ ქვეყანაში. გამოველ სადგურის ეზოში. ერთი „ბლანქარდი“ (დროგი) იდგა იქ. თითქოს ისე არა ბნელოდა, როგორც ვაგონის ფანჯრიდან მეჩვენებოდა. გავიხედე აქეთ-იქით. ვარსკვლავების მეტი, რომელიც ლამაზად ციმციმებდნენ, არავინ იყო იქ ჩემის უმწეობის მოწამე-დამნახველი, მაგრამ პატარა ხანს უკან კი რამდენიმე ახალგაზდა ბიჭი მიუახლოვდა ამ „ბლანქარდს“ და დაცარიელებულ ეესტის ყუთებით ტვირთვა დაუწყეს. მივედი, უამბე ჩემი ამბავი. მითხრეს, შორს წამოსულხარო. კოკლაკი აქედან 15 მილის მანძილზე იქნებაო. არაფერიაო, მანუგეშეს, ათიოდე მილს ჩვენ გაგატარებთ, მერე გზას გაჩვენებთ და ფეხით მიხვალთო. დიდი მადლობა უთხარი და გავსწიეთ. სამი ყმაწვილი იყო, მოჯამაგირეთ მსახურებდნენ ერთ ფერმერთან. ლონდონში რძე და ყველი ჰქონდათ წასაღები. ახლა უკან ბრუნდებოდნენ ფერმაში. მეც გამომკითხეს და დიდის ინტერესით მაძლევენ სხვა-და-სხვა კითხვას. დაილოცა ახალგაზდობა! ყველგან უმანკო და წრფელია თავის წადილებითა და განზრახვით! გამომშვიდების დროს ფულს ვაძლევდი, მაგრამ არ აიღეს და ძალიან შემრცხვა ჩემის სიბრიყვისა. დავადექი გზას, უკვე ჩემთვის ნაცნობ გზას, და შუალამე იქნებოდა, რომ ჩემს „კოტტეჯს“ მივადექი. კარებში შევდექი, ერთი კიდევ მივიხედ-მოვიხედე, სალამი მივეცი გარინდებულ ღამეს და მოციმციმე ვარსკვლავებს და შევედი ჩემს ოთახში.

აჩილ ჯორჯაძე





# ჭიაც მოსახმარია,

## თუ კაცი გონიერია

(დახასრული\*)



უთის ხეებზე კიას დიდ ზიანს აყენებს აუღარი. წვიმა ჰლახავს და სიცივე სძრავს. გარდა ამისა, ფრინველებისაგანაც არ აქვთ

მოსვენება; რასაკვირველია, სხვაც ბევრი ჰყავს მტერი: მაგალითად, არის ერთი

ბუზის მსგავსი მწერი „მხელთარი“, სხეულის უკანა ნაწილზე აქვს მილი; ამ მილით უხვრეტავს კიას კანს და შიგა სდებს კვერცხებს; ამ კვერცხებიდან კიები იჩეკებიან და აბრეშუმის ცოცხალ კიას შიგნეულებას შეუთქვლეფთავენ.

ხშირად მოხდება ხოლმე, რომ კია თვითონვე გადასკრის იმ ფოთლის ყლორტს, რომელზედაც ზის, და ჩამოვარდება მიწაზე; აქაც ბევრი მტერი დახვდება: ხელიკები, კიანქველები, ბუზანკლები, გველები, ობობები და სხვ.

ხეებზედ კიები ბლომად იხოცებიან; როგორც კი გაიგო ადამიანმა, რომ კია ღამაზ და მაგარ აბრეშუმის ძაფს აკეთებს, მაშინვე შეუდგა იმის მოშენებას; ტყიდან გამოიყვანა კია და

\*) იხილე „ნაკადული“ № 2.



შეაფარა ოთახს, სადაც უშიშრად არის მტრებისაგან. იმედო  
 ჰქონდა, რომ გამოიყენებდა.

ყველაზე ადრე კიის მოშენებას ჩინელები შეუდგნენ. ვითომ ამბობენ, ძველად ორი ათასის წლის წინად ქრისტეს დაბადებამდე, ჩინეთს მფლობელობდა „ხოანგ-ჯი“, მეფე ძლიერ კვებიანი, ნასწავლი, კეთილი და მზრუნველი თავის ქვეშევრდომთათვის, ხოანგ-ჯიზე ადრე ჩინელები კოხ-მახებში სცხოვრობდნენ და მძიმე ტვირთს ზურგით ეზიდებოდნენ. მან ასწავლა ჩინელებს მშვენიერის სახლებისა და ურმების კეთება; არც ნაფოსნობა იცოდნენ თურმე: ან ცურვით, ან კატარლით\*) გადიოდნენ წყალში; ხოანგ-ჯიმ ასწავლა ნაევების კეთება. სხვაც ბევრი რამ ასწავლა ხალხს, თუ დაუჯერებთ გადმოცემას.

იმის დროს ჩინელები უკვე იცნობდნენ აბრეშუმის კიას და იმის მუშაობას. აგროვებდნენ კიდევ ტყეებში ყაქს; მხოლოდ ეს ბევრ დროსა და ჯაფას თხოულობდა.

ერთხელ მეფემ უთხრა თავის მეუღლეს:

— შე ხალხს ვუყვარვარ, იმიტომ, რომ ბევრი რამ ვასწავლევ; მინდა შენც სარგებლობა მოუტანო შენს ქვეყანას და შენც ჩემსავით შეგიყვარონ; ყურადღება მიაქციე აბრეშუმის კიას, დიდს სამსახურს გაგიწევს. მეუღლემ, რომელსაც ზილინგ-ხის ეძახდნენ, გაუგონა ქმარს; მოახლეების შემწვობით, მოპკობა ტყეში აბრეშუმის ხეებზე კიები მიიტანა სახლში და დაუწყა მოვლა. გაგონილი ჰქონდათ, რომ აბრეშუმის ხეებზე კიები უფრო მსხვილი, მაძირები და გონივრებია, ვიდრე სხვა ხეებზე. ამიტომ თუთის ფოთლებს ბლომად უზიდავდა თავის კიებს; როგორც კი შესქამდნენ ან დასვრიდნენ ფოთლებს, მაშინვე ახალი, ნორჩი ფოთლები მოჰქონდა. დღით სიცხისაგან და ღამეც სიცივისაგან იფარავდა კიებს. კიებმა

\*) ორი ტივის ხეა ერთმანეთზე გადაბმული, შეაკურებენ წყალში, მოუსმენ ნიჩაბს და გადიან მეორე ნაპირას.





მეფის სასახლეში დიდებულს ყაქი გაიკეთეს; ფერიც, სარწმუნო  
 დეც და ყაქის სიდიდეს უკეთესი იყო, ვიდრე ტყისა.

ყაქიდან, პარკებიდან გამოფრინდნენ პეპლები, დაყარეს  
 კვერცხები, საიდანაც ისევ კიები გამოიჩვენენ.

ასე გავრცელდა ჩინეთში შინაურ აბრეშუმის თესლი.

ზილინგ-ხის მაგალითს სხვა ქალებმაც წააბაძეს და სა-  
 სახლე თითქოს სულ გაივსო აბრეშუმის კიით.

განა მარტო კიის მოვლა ისწავლა ზილინგ-ხიმ? მან ისწავ-  
 ლა აგრედვე ყაქის ამოხვევა ძაფად და ძაფის დართვა.

როდესაც კია პეპელად იქცევა, ჰხვრეტს და აფუქებს  
 ყაქს, ამიტომ ყაქშივე ჰკლავენ: ყაქის პარკს შესდგამენ გა-  
 ხურებულ ღუმელში ან ცხელ წყალს ასხამენ ქვაბში.

როდესაც კიები დახოცილია, ყაქს ჰყრიან თბილ წყალ-  
 ში და ჯობით ურევენ. ყაქი ღებება და ძაფის თავები ზევით  
 ამოცურდება. ამომხვევი დედაკაცები ოთხ-ხუთ ძაფს ერთად  
 აგროვებენ და ამოახვევენ ერთ მსხვილ აბრეშუმის ძაფად,  
 შულოვებად. ერთი ყაქიდან განუწყვეტლად გრძელდება 300—  
 400 საყენი სიგძე ძაფი.

ასე ახვევდა ძაფს ჩინეთის დედოფალიც.

დაინახა თუ არა მეფემ, რომ საქმე გაიჩაზა, გასცა ბრძა-  
 ნება, რომ ყველა შესდგომოდა თუთის ხის რგვას და მოშე-  
 ნებას.

ბრძანება, რასაკვირველია, შეასრულეს როგორც მდიდ-  
 რებმა ისე ღარიბებმა, ვისაც კი გააჩნდა პატარა ნაქერი მი-  
 წა მინც. ხეები იზრდებოდა; ამ დროს კი დედოფალი ასწავ-  
 ლიდა ხალხს სახლებში კიების მოვლას... ხეები დაიზარდა;  
 კიებს შზად აქვთ საზრდო. მაშინ მეფის მაგალითით წაქეზე-  
 ბულნი, სხვა ქალებიც შეუდგნენ კიის მოვლას და აბრეშუმის  
 ძაფის რთვას.

უკოტა ხნის შემდეგ ზილინგ-ხი აკეთებდა მშვენიერ აბ-  
 რეშუმის ქსოვილს და ჰქარგავდა ზედ საუცხოვო ყვავილებ-  
 სა და ფრინველებს. მალე მეფეც, დედოფალიც, მათი შვი-



ლებიც და აგრედვე წარჩინებულნი გამოეწყენ ტანისამოსში.

ჩინელებისაგან უცხოელნიც ყიდულობდნენ აბრეშუმს, მხოლოდ ძლიერ ძვირად უჯდებოდათ.—როგორც ქაში წყალი, ისე ჩინეთში აბრეშუმი—არ ილევად—ამბობდნენ სხვა ქვეყნებში და მიდიოდნენ ჩინეთისაკენ აბრეშუმისათვის. სავლელი გზა დიდი იყო. მაშინ არც ორთქმავალი და არც გემები არ არსებობდნენ; გზაც კარგად არ იცოდნენ; ზღვით წასვლა ადვილი არ იყო და ხმელეთით ხომ უარესი. მაგრამ აბრეშუმი ისე ძვირად ფასობდა, რომ ყოველ ჯაფას კისრულობდნენ. გირვანქა აბრეშუმში ვაჭრებს გირვანქა ოქროს აძლევდნენ. უცხო ქვეყნებში აბრეშუმი მხოლოდ ძალიან მდიდრებს, გამოჩენილ კაცებს ეცვათ.

რამდენმამე ასმა წელმა განვლო, სანამ აბრეშუმის წარმოებას სხვა ქვეყნებშიაც შეუდგნენ. მაშინ კი ყველას შეეძლო მისი ჩაცმა, რადგანაც ძლიერ გაიფუდა.

ჩინელები სასტიკად ადევნებდნენ თვალ ყურს, რომ ჩინეთიდან არავის გაეტანა აბრეშუმის და თუთის ხის თესლი. იმისი გატანა აკრძალული იყო, დამნაშავე სიკვდილით ისჯებოდა.

მაგრამ უცხოელებმა მაინც მოახერხეს იმის შოვნა. პირველად ამ განძის შოვნა ჩინელების მეზობელ ქვეყნის ბუხარის მფლობელმა მოახერხა.

თხოვნით, საჩუქრებით, მოსყიდვით დიდხანს ეცადა თესლის გამოტანას, მაგრამ ვერას გახდა.

—სადაც კაცის ქუთა ვერ გასჭრის, იქ ქალის ხრიკი გამოდგებაო, იფიქრა ამ მფლობელმა; გაჰგზავნა ჩინეთის მეფესთან ელჩები და სთხოვა ერთად ერთი ქალი საცოლედ. მეფე დასთანხმდა. მაშინ ბუხარის მფლობელმა ფარულად გამოუცხადა საცოლეს:—ჩემი სამეფო ყველაფრით მდიდარია, მხოლოდ აბრეშუმი გვაკლია: არც თუთის ხე გვეზრდება და არც აბრეშუმის ქია გვყავს. თუ არ გინდა აბრეშუმის ტანი-

სამოსი მოგაკლდეს, თან წამოიღე აბრეშუმისა და თუთის ტყის ტესლი.

მეფის ასულმა არავის არაფერი არ გააგებინა; ჩააკრა თავდასახურავ სამკაულში აბრეშუმისა და თუთის ხის ტესლი და გასწია საქმროსაკენ. საზღვარზედ ისიც სასტიკად გასჩრიკეს, მაგრამ ვის მოუვიდოდა აზრად, რომ თმისა და თავის სამკაული ვაეშინჯათ. ასე გადმოვიდა ბუხარაში აბრეშუმის კიის და თუთის ხის ტესლი.

ჩაიგდეს თუ არა ხელში, ბუხარელებიც ისევე ერიდებოდნენ აბრეშუმის გავრცელებას სხვა ქვეყნებში, როგორც ჩინელნი ეს იყო მიზეზი, რომ ჩვენში კიდევ დიდხანს არ გავრცელებულა აბრეშუმი.

თითქმის 1300 წლის წინად, კონსტანტინებოლში (ძველ საბერძნეთის დედა ქალაქში) ბერძნების მეფესთან მივიდა ორი ბერი. ბერ საოცარ ამბავს მოუყვნენ მეფეს. სხვათა შორიც ისიც მოახსენეს, როგორ იმოგზაურეს ჩინეთში, როგორ შეამჩნიეს აბრეშუმის ქია, კიებს რას აკმევდნენ, როგორ უვლიდნენ და სხვა. ძლიერ გაეხარდა მეფეს და უბოძა ბერებს ძვირფასი საჩუქარი; ბერებმა-კი სამაგიეროდ თუთის ტესლი შესთავაზეს მეფეს და თანაც დაარწმუნეს, რომ, როგორც-კი ხეები დაიზრდებიან, აბრეშუმის ტესლიც ზედ იქნება მოსხპულიო. ხეები კი ამოვიდა, მხოლოდ აბრეშუმი არსადა სჩანდა. მიიწვიეს ბერები სასახლეში და აუარებელ სიმდიდრეს დაჰპირდნენ აბრეშუმის ტესლის შოვნისათვის. ბერები დასთანხმდნენ და გასწიეს ჩინეთისაკენ. იქ ამოღრუტნეს თავიანთი ხის ჯოხები, შიგ ჩუმად აბრეშუმის ტესლი ჩაჰყარეს, მაგრად დაუცეს თავები და გამოსწიეს უკან.

საზღვარზედ დარაჯებმა თავით ფეხამდის გასჩრიკეს, მაგრამ ვერაფერი უპოვეს ვინ მოიფიქრებდა, რომ ჯოხები ტესლით იყო სავსე.

ამრიგად მოიტანეს აბრეშუმის ტესლი კონსტანტინებოლში ნან წელს ქრისტეს დაბადების შემდეგ. როდესაც




თუთის ფოთლები გაიშალა, კვერცხებიდანაც კიებოდა... ამგვარად გავრცელდა ევროპაში აბრეშუმში, იქიდან კიდევ სხვა ქვეყნებში გადავიდა... მაგრამ აბრეშუმში დიდხანს ძალიან ძვირი იყო. კოტაოდნად მოშპირნე და დამზოგველი მეფეც კი ერიდებოდა მის ჩაცმას. 800 წელს შემდეგ ქრისტეს დაბადებიდან მეფობდა ევროპაში მეფე კარლოს დიდი; მთელი ეხლანდელი გერმანია, იტალია, საფრანგეთი და ისპანია—სულ იმისი სამფლობელო იყო. მაგრამ ძალიან უბრალოდ სცხოვრობდა. მის დიდებულებს-კი ძლიერ უყვარდათ ბრწყინვალე მორთულობა. იცვამდნენ აბრეშუმებს და ქუდებზე სირაქლემის ფრთებს ატარებდნენ. ერთხელ მეფემ ნადირობა გამართა პირველ ნოემბერს და მოიწვია წარჩინებულნი. ძალიან ეჯავრებოდა თავის ქვეშევრდომთა პრანკვა, მედიდურობა და სურდა დაესაჯა. წარჩინებულნი დანიშნულ დროს სასახლეში შეიკრიბნენ; რადგანაც ერთი მეორეს წინაშე გამოჩენას აპირებდნენ, საუკეთესო აბრეშუმის ტანსაცმელი ჩაცვიათ. დღე ძალიან ავდრიანი დაუდგათ; მეფემაც ნადირობა არ გადასდო და წარჩინებულნი იძულებულნი იყვნენ მთელი დღე ედევნათ მეფესათვის ვიწრო ბილიკებსა და ეკლიან ძეძვებში. კარლოსმა უბრძანა, ცეცხლი დაენთოთ, რათა წარჩინებულნი გამთბარიყვნენ და გამშრალიყვნენ. გათბობით კი გათბნენ, მხოლოდ აბრეშუმის ტანისამოსი შეიკმუხვნა და დაუმოკლდათ, ხოლო ეკლებისა და ხის ტოტებისაგან ძვირფასი ფრთები სირაქლემისა, რომელიც ქუდებზე ჰქონდათ გაკეთებულები, სულ დაიკუწა და სასაცილოდ ეკიდა ქუდებზე; საცოდავი შეხედულება ჰქონდათ ამ დროს წარჩინებულთ. ძალიან ძვირად დაუჯდათ ნადირობა; მაშინ მეფე მიუბრუნდა და უთხრა: „თქვენ რომ ჩემსავით უბრალო ტანისამოსი გცმოდათ, ახლა აღარ დაღონდებოდით და არ ინანებდით, იმდენი ფული რაზედ დაეხარჯეთ სულელურად აბრეშუმსა და ძვირფას ფრთებზედაო.“

თანდათან ვრცელდებოდა აბრეშუმის წარმოება ჯერ კალაქებში და შემდეგ სოფლებში. პირველად იტალიაში დაიწყო აბრეშუმის წარმოების გავრცელება. გლეხები თუთის ხეს ბრძანებით აშენებდნენ, მიჰქონდათ ფოთლები გასასყიდად ქალაქებში, სადაც კიებს ზრდიდნენ და უვლიდნენ. მალე მიხვდნენ გლეხები, რომ თითონაც შეეძლოთ კიის გაჩენა, ყაქის ამოღება შულოებად, ძაფის დათრვა და აბრეშუმის ძაფის გაყიდვა. ბავშვები, მოხუცები, ღარიბ-ღატაკნი და შეძლებულნიც-კი ყველანი შეუდგნენ აბრეშუმის წარმოებას და ამიტომაც დღეს ასე გაიფადა აბრეშუმი.

### ს. ორბელიძე

(დასასრული)





## ელექტრონის ვილლა \*)



ყო დრო, როდესაც ადამიანი, უვიცობის გამო, ბუნების სხვა და სხვა მოვლენას რაღაც იდუმალ ძალას აწერდა, აღმერთებდა და თაყვანს სცემდა, მაგრამ დღეს კაცობრიობას იმდენად გაცნობილი აქვს ბუნება, რომ ზოგიერთ ძალით სარგებლობს კიდევაც და ცდილობს კიდევ უფრო დაიმორჩილოს. ინჟინერები და ხუროთ მოძღვრები თავის

ხელოვნების შემწეობით ახლა იმას სცდილობენ, სავსებით გამოიყენონ ელექტრონი, წყალი, შეკუმშული ჰაერი, სითბოთი, სინათლე და სხვა.

ერთმა მდიდარმა კაცმა, ამერიკელმა ენაპმა საოცრად მოაწყო თავისი ვილლა ელექტრონის შემწეობით.

აი, რას მოგვითხრობს ერთი კაცი, რომელიც ენაპს ეწვია ამ ვილლაში. «დავაქირე თუ არა თითი კარებზე ელექტრონის ფოლაქს, მაშინვე ელექტრონის შუქმა გამანათა და ხმა მომესმა:—გხედავთ, გხედავთ, ახლავე გაგიღებთ კარებსაო. როგორც კი შევედი სახლის კარებში, ვიგრძნე, რომ ფეხებქვეშ რაღაც ამოძრავდა; დავიხედე ძირს და დავინახე ელექტრონის თვითმოძრავი მანქანა, რომელიც კარების გაღებით ამოძრავდა, ფეხსაცმელებს მიწმენდდა, მაგრამ ყველაზე უფრო სასადილო მაგიდამ გამაცვიფრა. მაგიდის ნაპირებზე ირგვლივ ლითონის ლარები იყო შემოვლებული. მაგიდის ერთ თავში ამოკრილი იყო წრე, სტუმრების წინ ორ-ორი პატა-

\*) ლამაზ ადგილას აშენებული და კარგად მოწყობილი საგარაკო სახლი.

რა—ერთი ლითონისა და მეორე შუშის მოგრძო კიკები უღლა. მასპინძლის წინ ელექტრონის შავი და თეთრი ფოლაკების მთელი ჯარი იყო და სწორედ ესენი ეწვოდნენ მოსამსახურეების შაგიერობას. შემოუსხედით თუ არა სუფრას, მასპინძელმა დააქირა ერთ ფოლაქს თითი და წამსვე ოთახი განათდა. გაჩნდა აგრედვე ყველას წინ კიკებიც. ლითონის კიკები სახლის გასათობობად იყო გაკეთებული. როცა სითბო 17.5ზე ავიდა, ამოდრავდა ჰაერის მამუშავებელი მანქანა და საამურმა სურნელოვანმა სიომ დაჰბერა. ფეხებ ქვე ყველას სათბობი მანქანა ეწყო და შეედლოთ ფეხის წვერის შეხებით სურვილისამებრ ამოდრავებინათ და ეთბოთ ფეხები. მასპინძელმა კიდევ დააქირა ფოლაქს თითი, უცებ წრე გადაიშალა და ხერგლიდან ამოვიდა ცხელი წვენით სავსე ჯამი და ნელა გასრიალდა ლარში. ჯამი ყველას წინ შეჩერდებოდა ხოლმე და, როცა სტუმარი კერძს აიღებდა, მიდიოდა მეორესაკენ. ამ ნაირად ჯამმა ორჯერ შემოიარა მაგიდა და, როცა ყველა დააკმაყოფილა, დაბრუნდა წრეში და ისევ ჩაძვრა თავის ხერგელში. შემდეგ გამოჩნდა ლითონის ხონჩა, რომელმაც შეაგროვა თევზები და გაქრა. ამ წესითვე მოვიდა მეორე თავი საკმელიც. ყველაფერი საოცრის სიმკვირცხლით კეთდებოდა. საოცარი და შესანიშნავი თურმე აგრედვე სამზარეულო. ჭურჭელი და სამზარეულო მოწყობილება, სულ ალიუმინისა იყო. დასდგამს თუ არა საკმელს მოსახარშავად, მზარეული გამოსწევს ისარს და ამოდრავებს მანქანას; თითონ კი შეუძლია სრულიად თავისუფლად სხვა საკმეს შეუდგეს დანიშნული დრო, რამდენიც უნდა საკმელს მოსახარშად, რომ გაივლის, მანქანა გაჩერდება, დარეკს და ამით აცნობებს მზარეულს, რომ უკვე მზად არის. ასე გასინჯეთ ჭურჭელსაც კი ელექტრონის შემწვობით სწმენდენ და ჰფერავენ საოცარის სისწრაფით.

ცეცხლის გაჩენა ყოველად შეუძლებელია, რადგანაც თუ ტემპერატურა დანიშნულზე მაღლა აიწევს, მაშინვე მთელ სახლში ზარების რეკა ასტყდება.



კნაპის სახლი ჩვეულებრივად არის აშენებული, მაგრამ კნაპი ფიქრობს, რომ ელექტრონის უფრო გამოსაყენებლად სხვანაირად აშენებული სახლი აჯობებს. იმის აზრით, სახლს ორი კედელი უნდა ჰქონდეს და ეს კედლები ერთმანეთზე ორ ფუტზე უნდა იყოს დაშორებული. ამისთანა კედლები ზამთარში უფრო შეინახავს სითბოს და ზაფხულში სიგრილეს, რასაკვირველია ელექტრონის საშუალებით.







### ბაშოცანაბი

თუმც ბრუნდიხარ, ლამაზიც ხარ,  
 ხეო, შარა არა ხეო.  
 მეფისა და დედოფლისა  
 ყელზე ხელის გადამხვეო,  
 ამ სოფლისა ლხინი ხარ და  
 იმ სოფლისა სამოთხეო,  
 მისპინძელო, თუ გესტუმრო,  
 ლხინი ამის მანახეო.

ერთი რამ უცხო ნაზარდი  
 შორს წაიყვანა ძიძამა,  
 იქ დახვდა ნათესავები,  
 მაგრამ ვერ იცნო ბიძამა;  
 თუ არც სიცივემ აწყინა,  
 არცა სიციხემა მზისამა.  
 ის გადარჩება, იხმაროს  
 შეილმან სხვა მამულისამა.



# რ ე ბ უ ს ი



ს

დასა



კავში-  
რი.

ს

დაბა ზე-  
მო რა-  
ჭაში.

სადა



”

10

ს



”

პ



,

\*\*\*

მე-2 №-ში მოთავსებულ რეზუმეს ახსნა:

იორი ჩადის ალაზანში, ალაზანი მტკვარში.



ნაკადულის რედაქციაში და წ.-კ. საზ.

მაღაზიაში იუიდება შემდეგი წიგნები:

**ფლავიუსი,** ვილჰელმ და იაკობ გრიმისა, ნაკადულის რედაქციის გამოცემა, ფასი . . . 30 კ.

**სომხის თავ გადასავალი,** თხზულება, ძარკოტგენისა, გამოცემა ნაკადულის რედაქციისა, ფასი . . . . . 50 კ.

**რას გვიამბობს ოთახი.** თხზულება ზვენარიუსისა, გამოცემა ნაკადულის რედაქციისა, ფასი . . . . . 20 კ.

# ვიილუგა ხელის მოწერა



1910 წლის იანვრიდან 1911 წლის იანვრამდე

საქმაწვილო სურათებიანი ჟურნალი

## ნ ა კ ა დ უ ლ ი

წელიწადი მთავარი

წლიურ ხელის მომწერლებს მიეცემათ:

**24** წიგნი ჟურნალი „ნაკადუ-ლი“ მცირე წლოვანთათვის

**12** წიგნი ჟურნალი „ნაკადული“ მოზრდილთათვის.

გარდა ამისა 1910 წლის ხელის-მომწერლებს პრემიად მიეცემათ:

- I. დედაიფა და კუდიანი ვარსკვლავი, — ზღაპარი ეკლდისა კეკისი სურათით. — II. მარჯნები, — ზღაპარი ეკლდისა თთისა სურათით.
- III. თორმეტი და, — ზღაპარი ეკლდისა ერთა სურათით. — IV. მართული მხატვრული ასოები კუბიკაზი.

ჟურნალს ხელმძღვანელობს ს. უწყვს სეკანტეობდ არსეულა სარედაქციო კომისია.

ფასი ჟურნალისა: წლიურად ხუთი მანეთი, ჩასეკარის წლით სამი მან.

სამშლვარ გარედ: წლიურად შვიდი მანეთი, ჩასეკარ წლით ოთხი მან.

მცირე წლოვანთათვის 24 წიგნი სამი მან. — მოზრდილთათვის 12 წიგნი სამი მან. — ხელის-მოწერა შეიძლება წლიურად და ჩასეკარის წლით. ფულის შემოტანა შეიძლება ჩაწილ-ჩაწილად.

ხელის მოწერა შეიძლება:

- 1) „ნაკადულის“ რედაქციაში, გოლოვინის პროსპ., ზუბალოვის სახ., № 8, ყოველ-დღე 9—2 საათ., სამშაბათობით საღამოთიც.
- 2) წერა-კითხვის გამავრცელებელ საზოგადოების წიგნის მაღაზიაში, სასახლის ქუჩა, სახლი თავად-აზნაურობისა.

ნაკადულის რედაქცია სთხოვს ხელის-მომწერთ:

ვისაც ჟურნალის ნომრები დააკლდება, მიმართონ აგენტს ანუ რედაქციას, ირა უგვიანეს ერთის თვისა.

რედაქტორი ნინო ნაკაშიძე

გამომცემელი: თავ. პ. ი. თუმანიშვილი